

古緣萃錄

光緒甲辰
澄蘭室石印

C. T. LOO & CO.
41 EAST 57th STREET
NEW YORK, N. Y.

NO. 536
HGT. 6 Vols.
LENG. _____

MADE IN CHINA

THE GETTY CENTER
LIBRARY

澄蘭室古緣萃錄卷十

古虞 邵松年輯



國朝

名繪集錦冊

紙本十一開 絹本一開
第一開 員照設色山水高八寸四分 潤五寸六分 秋山紅樹
風景蕭騷 蒼潤之氣 撲人眉宇 款左上

倣大癡道人 王鑑 鑑

第二開 梅村水墨山水高七寸四分 潤八寸七分 密巖高下
草木蒙茸 墨瀟淋漓 大家風範 左角下均 初琬藏款在上

冬窗偶坐為巨翁作 偉業

公駿

古緣萃錄

馬十

一

澄蘭室

第三開酉君花卉高八寸一分潤八寸六分罌粟兩花兩蕊
略施赭絳莖葉靈活款左邊對頁書杜樊川句九行小行楷
後題二行印首微尚

為雪翁太老先生 南沙蔣廷錫

蔣廷錫印 孫楊

杜樊川句 戊戌四月書奉雪岑太老先生 南沙蔣廷錫

蔣廷錫印 孫楊

第四開李復堂墨松高五寸七分闊六寸三分松幹直淨枝
葉蟠屈雲氣中橫筆意老勁無款右角下解印宗揚二印
第五開復堂花卉高潤全前芙蓉一枝一花一蕊葉染綠色
一片蕊著深絳一點筆意奇古款左邊

乾隆十八年春 復堂李鱣

臣鱣之印 櫟

第六開邊頤公石榴高六寸九分闊八寸四分石榴二枝幹
葉皆用墨劈處略以胭脂鈎子左角下紫伯過眼款上邊

繡裊長連枝野風吹不落金刀劈玉漿夜深消酒渴 白陽山

人詩畫壽民摹之

公頤

葦間居士

酒後常緝老畫印

第七開頤公菊花高闊全前菊花三朵秃筆寫意略用赭色
鈎辦古色古香右角下紫伯讀畫題左上右邊葦間書屋

影随桐帽梭鞵瘦氣染書簽藥裏香 葦間壽民

公頤

葦間居士

第八開楊西亭水墨園亭高五寸二分濶七寸五分茅亭高
峙松竹環之亭前石影玲瓏鶴二對舞題右上

地多種竹還容鶴池不栽蓮恐碍魚 寫元人小景 桱雀

楊晉

第九開西亭設色山水高闊全前岡巒複疊雲外嶺橫野屋
參差溪橋略約嵐光樹色秀潤天然款右上

做大癡老人

楊晉

楊晉

第十開西亭水墨山水高闊全前寫米家山題左上

霧鎖濛：樹烟籠淡：山元立有遺法妙處幾人攀 西亭

西亭
楊晉

第十一開西亭水墨園亭高闊全前軒堂高敞樹石清疎筆墨淡雅滌盡塵氛題左上右角下野雀印

劉完庵獅子林園有此幅 楊晉

第十二開文五峯設色山水高八寸二分濶七寸四分遠岫橫雲叢林映水扁舟容与蘆荻風吹右角墨林珎秘款左上

丁未秋日 文伯仁寫

文伯
仁印

五峰明人原裝此冊之後因仍之

高澹游寒山蒼翠軸

絹本設色高四尺四寸五分闊一尺三寸四分一峯突兀萬木蒼黃溪上人家東西錯落小橋低水遠岫入雲秋色無邊

筆意蒼老題款左上

寒山蒼翠

庚午十月擬古于靜者居

高簡

澹游

高簡之印

高澹游諸家山水屏

絹本六條每高五尺四寸闊一尺四寸
一幅澹游設色峭壁奇峯蒼翠欲滴疎林殘柳秀色可餐溪
上茅亭二人對坐上有飛瀑秋色滿天款右上

倣關仝筆法於紀勝堂

高簡

高簡

澹游

一幅澹游設色層巒疊嶂絕徑平坡屋宇參差樹林疎秀山
居清暇筆意深幽款右上

己未新秋仿董北苑筆法

高簡

高簡

澹游

一幅陳侶石水墨溪山明潤樹石榮滋嶺半白雲橋頭綠水
扁舟波上草色離披款右上

古緣萃錄

弓十

三

澄蘭室

己未秋杪畫于竹齋

侶石陳道堅

法名道堅

石侶

一幅顧禹功設色山水清秀綠樹蒼松茅屋緣坡扁舟逐浪
筆意秀潤渲染精能款右上

己未清秋上澣寫

吳門顧殷

公園

易安室

一幅李惺庵水墨峯巒渾厚林木深濃結屋山坳飛瀑直瀉
一亭高峙蹊徑縈紆款右上

做北苑夏山深遠圖

暉庵李炳

李炳之印

暉庵

一幅葉潤之設色層岩絕壁枯樹寒林樵路侵雲溪橋跨水
二老人策蹇坡上一童步隨筆意蒼勁款右上

蕭々翠竹柴門靜寂々蒼松寒靄生

己未秋日寫

葉雨

葉雨

潤桃花鴻
之內人家

項東井峭崖老樹軸

瓶麓齋舊藏

紙本水墨高三尺八寸闊一尺五寸四分峭壁千尋枯樹挺
立松老涵青澗泉猶溜題左上右角下東井草綠湖南二印
風勁霜嚴愈奇愈見峭壁千仞不隨物變 東井 野 之印

王麓臺仿北苑山水卷

紙本設色高一尺二寸六分長六寸五寸四分起手密巖一
簇溪繞坡平中幅嶺復峯迴林木陰翳入後岩壑重疊澗瀑
爭流山麓松蔭參差中露樓閣峯盡雲橫遠山隱約筆力雄
健氣魄沈宏惟帑色少暗耳尾角西廬後人題款在前印首
期仙廬

康熙壬午長夏做北苑筆似修翁老先生教正 婁東王原祁

王原
祁印 麓
臺

司農此幅師法北苑邱壑渾雄氣象深靜脫盡本家習氣當
是晚年得意之作未易多觀秉燭屢觀書以誌幸振甫麟識

同治己巳初夏科試洛陽道經鞏縣見驛舍以此畫補敗壁
大有木衣錦繡之歎目秉燭識數字於後冀此名跡不與廢
紙同棄事隔兩載已如雲烟過眼不復記憶今陳子併年丈
物色得之遂以寄贈六翰墨緣中一段佳話也 辛未冬十

月振甫識

昔在梁園得見此幅後又得錢茶山司寇仿元四家山水卷
自跋謂曾見王司農有合元四家法長卷曰是展玩司寇卷
輒慨想司農卷更不知若何神妙且不知真蹟尚流傳人世
否今秋自山左差旋無意中忽遇諸廠肆持歸以錢卷印證
雖布置小異而規模畧似跋中所指定即此卷無疑遂以善
價得之司農真迹巨品所見于豫中者此幅是也所聞于錢
孝跋中者數年來雖往來胸中不能去亦僅等諸海上仙山
之想不意并所見聞一旦皆羅致几案間翰墨之緣殆有神
助耶念此二者得一已足茲竟並蓄兼收毋乃奇福踰分因
將此幅付伯英壻珍藏亦持滿戒盈之意也同治癸酉十月
廿九日燈下振甫麟識

外舅第一跋用詩箋粘于幅後者後陳子併得之重裝遂嵌
裱于上仍為橫幅也二三兩跋書于後邊上者畀余後乃改

裝為卷因將三跋附于卷後俾後人知此一段因緣也外舅藏一漢玉牛晶瑩可愛子猷先生極賞之寄贈此幅外舅即以牛報之今子猷已作古人此牛不知何在兩先生風雅好事一段情話惟余尚知之因附識于此

王麓臺壽石谷山水卷 瓶麓齋舊藏

紙本設色高八寸七分長二丈二尺四寸八分紙六接邱壑奇闊氣魄沈雄筆力堅凝匠心獨運非逐節分疏所能罄其神妙設色淺絳全撫子久而石法間用洪谷子營邱奇峭之筆雖章法細碎而疎密相間一氣呵成洵所謂空靈蒼渾元氣淋漓筆端金剛杵之喻不虛也作家相證分外經營宜為先生空前絕後之作如此刻蹟前後無一收藏家印亦無題跋豈二百餘年沈淪于俗人之手耶略有蠹蝕大都完好亦幸矣題款在卷尾餘帑上印首御書畫圈留與人看

石谷先生長余十載於六法精研貫穿獨闢蠡叢余弱冠時其

詣已臻上乘矣先奉常延至拙修堂數載余時共晨夕竊聞緒

論辛未後在京邸相往來每晤必較論竟日余於此道中雖係
家學然一知半解皆它山之助也辛巳為先生七袞大壽余作
此圖恐以荒陋見笑大方遲迴者久之今閱二載養痾休沐復
加點染就正之念甚切不敢自匿其醜茲特奉塵左右惟先生
為正其疵謬庶如金篦刮翳耳 康熙癸未初秋王原祁畫并

題

王原
祁印

蘇
臺

司農登第後專心畫理於大癡淺絳尤為獨絕平生絕詣具
見此卷中嘗謂西廬老人畫法得之于子久富春山固然太
常運腕虛靈布墨神逸得子久一種清空之氣而仍筆沈
鬱譬之書法唐之褚登善也司農雖承家學師法子久獨能
自闢蠶叢鬼力雄傑盡得子久古雋渾逸之趣其秀在骨一
洗娟媚之習譬之書法唐之顏平原也不為古法囿不為家

法圓故能卓然成家與奉常公共有千古取此卷與奉常撫
子久富春山圖卷合觀之自知識者當不河漢斯言

王麓臺仿黃鶴山樵山水卷

紙本水墨高九寸二分長一丈四尺五寸四分紙三接後題
謂曾見山樵秋山蕭寺丹臺春曉林泉清集夏日山居諸圖
因彙合其意以成此卷合通幅觀之起手罔巒對峙溪水中
橫石壁倒懸林陰層密丹臺春曉意也蘆灘遠近松壑高低
岩畔梵林浮屠中矗林木半落匹練空垂秋山蕭寺意也溪
水空明林巒散落松陰略對無限烟嵐林泉清集意也雲峯
高峻石壁欹奇石樹陰濃山樓軒敞風颿烟嶂去路悠然夏
日山居意也雖刻意求之有失彙合之意略拈大概存其形
迹畫之妙處本非筆墨言語所能傳也所見司農仿山樵筆
多以濃皴密點極沈鬱磅礴之觀此則疎密相間皴法全用
乾筆細擦又與習見者不同大家筆墨本不為成法所拘融
會貫串遺兒取神惟識者各自領悟耳卷尾下角王原祁印
上角畢瀧鑒賞圖記題款另紙印首御書畫圖留與人看第
二題印首求是堂

畫卷須窮極變化其中縱橫排蕩幽細謹嚴天然成就不露牽
合之迹方為合式四家中山樵筆更不可端倪余見其秋山蕭
寺丹臺春曉林泉清集夏日山居諸圖機生筆筆生墨墨又生
筆以意運氣以氣全神想其揮毫時通身入山水中與之俱化
位置點染皆借境也余以四困意叅用一卷拙筆鈍資妄希效
顰每日清晨悉心體認然後落筆積之既久漸覺有生動意向
來慘澹經營此卷似有入門處玉培吳兄晨夕寓齋二十年時
見余畫獨于此卷甚喜因以持贈并質之識者不為噴飯否

康熙甲申九秋題于京邸穀詒堂 王原祁

王原祁印 畫

此卷為余鍊筆之作刻意揣摩結構兩年始成留貯篋中玉培
南歸堅索携去玉培復來都門此卷遂入質庫今春暮兒扈從
還家展轉得之歸裝挈入適拙園大弟視學西蜀爰以奉賀此
畫得所歸矣前大弟典試黔中公事竣後暫省鄉園紆道湘永
云山水幽邃蔽虧各家具備似黃鶴山樵者為多蜀中奇秀甲
天下木末水濱有可翦取處否報最還朝又可借此一聞快論
以廣余意也 丁亥中秋麓臺祁又題

談
太原
珍藏

此家學士麓臺仿黃鶴山樵得意筆也結構點染多象外巧
妙客秋余奉命入蜀家學士出此卷見遺余携來篋中每過
山水佳秀處輒於此卷有神會渝州陳太守允匡風雅好事
夙慕家學士筆墨余轉以贈之山郭朝暉江樓清練時一披

展常復覺此卷輝映生色也戊子小春題於錦官官舍 婁水王奕清

清印 國社

外舅得司農仿元四家溪山合璧巨卷即以仿北苑卷見昇
後跋有益蓄兼收未免奇福踰分之語嗣赴粵藩任又得此
卷寄都付裝旋得壽石谷卷復將此卷留藏寒齋今四卷同
歸一處不更奇福踰分耶余購四王畫不遺餘力獨司農畫
僅得七軸卷冊六件皆瓶麓齋物也記司農劇蹟所見者有
仿癡翁富春山圖卷長二丈三尺餘又仿古山水冊十二幀
皆為僅見之品以昂其值未獲購致六緣據此六種奇福踰
分天下名蹟當与天下共之不可徒事貪求也仿癡翁富春
山圖有長題附錄于後
古人長卷自摩詰輞川圖始立南宗模則惜余未之見偶閱
畫稿方知右丞用意之深遠行間墨裏配搭無纖毫罅漏真
有化工之妙不知真筆墨之運用又何如耳十年前見北苑
夏景山口待渡圖乃知唐宗諸大家理同此心心同此理淵
源相紹續無少差別北苑如是右丞亦如是也元季長卷見
大癡富春山圖筆墨奔宕超逸脫盡唐宗成法真變化于規
矩之外神明于規矩之中畫至此神矣聖矣余自幼學畫每

侍先奉常竊聞誦論必以癡翁為準的癡翁筆墨尤以富貴
為首冠及一見之輒有不可思議之歎此固約略仿其大意
若謂能得古人堂奧則吾豈敢肯康熙辛卯春日畫成漫題
于穀詒堂婁東王原祁昔年七十

王麓臺仿元四大家山水卷 瓶麓齋舊藏

紙本水墨高一尺三寸長二丈六尺九寸五分紙三接起手
墨巒起伏林木杈杈雲斷峯連溪迴水抱鉤勒樸老氣勢沈
雄筆意全模大癡而間有房山筆法中路山平水秀石峭林
疎簡淡清奇高士逸致漸次峰巒陡峭巖壑幽深密樹長松
山樵勝境入後奇峰峭壁巨壑深林氣象崢嶸魄力雄厚全
法梅花盦主通幅邱壑變幻層出不窮筆老氣蒼有神無迹
司農山水中巨觀也卷首下角西廬後人印又牛坤之印上
角靜海勵氏衣園藏真二印隔水綾上花曲道人牛坤字次
原老隱於平谷衣園審定於溪居士振甫所藏瓶麓齋印共
印六上又賜硯齋長印第一接縫賜硯堂教忠堂藏二印弟
二接縫衣園藏真次原二印第三接縫竹溪秘玩一印尾上
角衣園珍藏子孫寶之二印隔水綾上牛次原鑒賞圖書後

題帝上賜硯齋牛坤之印次原珍藏三印題款在前印首御
書畫圖留與人看另紙長題印首期古齋

溪山合璧

彙寫黃倪王吳四家筆意

麓臺祁

王茂

與烟霞會

元季四家悉宗董巨各有作用各有精神古人講求筆墨間為
兩家合作從未有四家同卷余之作此亦仿古人合傳之法隨
意結構者也中間有分有合若斷若續全在不即不離處若云
摹擬四家筆端所發性靈自我而出邱壑出入之際豈能得其
三昧若云不是四家逐段經營各具面目各別識者未必竟謂
為門外漢也余學宋元諸家每有彙為一卷之志事故紛糾多
年未成今先以四家試之卷內開闔變化自出機杼奇思雖無

陳言盡去輟筆諦觀無鉤中棘履之態董華亭論画云最忌筆滑不為筆使二語知所遵守庶幾近之矣喜其有成用識於後
康熙庚寅清和題於海淀寓直 王原祁

王原祁印 麓臺

王麓臺仿古山水冊

瓶麓堂舊藏

紙本八開每高一尺一寸三分闊八寸八分
第一開水墨重巖疊石絕澗奔泉山坡竹木清疎清溪一角
遠山對出筆墨謹嚴款右上

傲梅花庵主墨法

王原祁 麓臺

第二開水墨層巒峻峭松蔭深濃峯隙匹練千尋紆迴石際
山坡平曠草舍茅亭一人欹坐堦前三人臨流把盞為侍一
童通幅不著色唯屋宇人物略加點染益覺山光樹色一片
陰森款右上

做黃鶴山樵林前清集圖

臺麓

第三開設色雲橫遙嶺雨過蘗林水碧山青竹疎石秀坡間
露出堂軒一人為坐茅亭相接景色清幽款左上

宿雨初收曉烟未泮於穀詒堂仿房山筆

王原
祁印

第四開設色重岩聳翠密樹控青傑閣凌雲遠峯插漢泉飛
百道烟靄千重工細精妍為司農僅見之作款左上

仙山樓閣 摹趙文敏設色

臺麓

第五開設色岡巒清潤烟樹冥濛樓閣層層高出雲表雲山
一片泉石雙清款右上

新秋雨後涼爽襲人戲作此圖

王原
祁印

第六開水墨林木繁縟岩壑幽深山徑侵雲人家倚麓溪流
曲折境界無窮筆墨精到絕似廬州款右上

陵壑密林 雨窗撫黃子久筆

王原
祁印

第七開設色清溪幾曲花柳無邊遠岫數重烟雲不盡翠巖層折綠樹蕭森秀韵天成筆情清麗題右上

花鬚柳眼各無賴紫蝶黃蜂各有情

做趙大年筆法

王原祁印

第八開水墨雪積岩端寒凝水際密垞對峙松竹雙清山軒一人捲帷賞雪溪岸一吏策蹇而來一人後隨通幅不著色一色題款右上印首三昧左角下西廬後人

李營邱雪霽圖

癸巳長夏於萬壽館做古八幀

王原祁

王原

麓

同治甲戌春暮在廠肆見石谷子做古巨冊十二幀用墨設色沈著起渾當是生平精詣所萃紙本完好如新歎為僅見惜索價過昂無從問津越兩月購得此冊審係司農晚年極經營之作無論石谷冊當避三舍即司農真跡中似此法備氣至合宋元各大家為一手者正不易多觀也同時並收得白石翁風雨過谿園巨卷紙本幾及五丈縱橫揮灑元氣淋漓

瀟亦是先生生平傑作也而窗展讀喜而識之五月十一日
振甫麟題記

冊面原簽書法極佳而前後無收藏家印記知此冊流傳未
易數主故帝本精潔如斯益可寶愛按康熙癸巳司農時年
七十有二而畫筆乃尔神妙足見前輩精詣至老不衰
冊中仙山樓閣一幀與二十年前所見司農仿元六大家六
幅中摹趙文敏松溪仙館圖意境絕相似每一展讀不異武
陵漁人重入桃源也同日又識

是冊與所見石谷仿古十二幀以書法譬之此則右軍之黃
庭樂毅神妙處更在方圓結構之外石谷冊則歐柳諸家之
楷法也取二冊對觀方可信此論非謬次日又筆

石谷冊仿惠崇趙善長巨然梅道人耕明蕭照趙文敏黃子
久燕文貴郭天錫十家幅式大小適與此冊同唯仿松雪桃
源圖一幀用青綠設色而不及此冊中仙山樓閣之工細餘
則淡墨淺絳各臻神妙亦希世名蹟也惜甫得此冊無餘力
兼收否則兩冊正堪合璧豈非翰墨因緣中一大快事耶

六月八日振甫又識
是月十八日奉命尹京兆二十接篆視事後耳目所接遂與

風雅日遠燈下稍閒輒展此冊以醒倦目視昔日清暇真覺回首玉堂如在天上也七月朔日偶書

光緒丁丑新正十九日小疾初愈燈下展玩數過胸次頓覺湛然古人以澹書名畫為特健藥誠非虛語 振甫記

王麓臺仿古山水冊

瓶麓齋舊藏

紙本十二開每高一尺七分濶七寸八分

第一開設色仿倪高士遠岫清溪疎林野屋清蒼簡淡老筆紛披坡間一屋安置未妥司農畫中注：有之不足怪也右角潘季彤鑑賞章玉川珍賞二印顯右上左角西廬後人

清蒼簡淡雲林本色也間一變宋人設色法更為高古明季董

華亭最淨其妙此圖擬之

王原祁印 麓臺

第二開水墨仿梅花盦主溪山迴抱樹石清腴瀑瀉層巖槁通彼岸山巔古寺坡上人家蒼潤沈雄兼擅其勝右角下潘氏聽颿樓藏頭偏左左角下西廬後人

梅花庵主有溪山無盡闕山秋霽二圖皆稱墨寶此幀摹其梗

概有少分相合否

王原祁印 麓臺

第三開設色仿趙大年雲橫斷嶺溪繞層巖柳暗花明水清石秀橋隨勢曲閣駕波平古豔古香滌盡娟媚之習左角下季彤珎賞題右上右角下西廬後人

江村花柳圖

倣趙大年

王原祁就

第四開水墨仿黃鶴山樵峯巒起伏澗壑幽深溪上茅亭林間水榭點綴細密氣息高渾左角下季彤曾觀題右上角下西廬後人

黃鶴山樵林泉清集圖余家舊藏也今已失去因追師其意

王原祁 麓臺

第五開設色仿高尚書雲橫峻嶺雨洗空林水石清奇密密沈鬱蒼勁古厚一時無兩右角下聽颿樓書画印題右上左角下西廬後人

房山畫法與鷗波並絕在四家之上此幀略師其意 跋

第六開水墨仿大癡層岩平阜雲淡泉清雜樹高低淡濃相間坡岸人家錯落略約中通鈎勒謹嚴點染深厚左角下季形鑑定珍藏題左上右角下西廬後人

做水墨大癡筆 原祁 跋

第七開設色仿松雪峯巒重密稠壑深幽嶺半白雲岩頭花樹山樓隱約水閣清疎點染精深著色濃郁左角下季形平生真賞題左上右角下西廬後人

落花流水杳然去別有天地非人間 做松雪筆 原祁 跋

第八開水墨仿大米雲山沈鬱樓閣凌空樹蔭深濃出形渾厚溪亭竹逸天半峯遮右角下季彤審定題右上左角下西廬後人

山川出雲為天下雨 做米元 筆 祿

第九開設色仿大癡山巖陡峭雲壑濃深寺宇高崇林亭蕭瑟澗邊泉活天外峯青筆力堅凝專色沈鬱右角下季彤祕玩題右上左角下西廬後人

子久設色在著意不著間此圖未知近否 祿 臺

第十開水墨仿北苑林壑叢密岩壑靈奇屋舍依山層而上溪橋跨水高閣循坡氣韵沈雄魄力深厚右角下聽颿樓藏題右上印首蒼潤左角下西廬後人

北苑真蹟余曾見龍宿郊民園及夏景山口待渡長卷今恭用

用其筆

王原
祁臺麓

第十一開設色仿荆關重巒雲抱氣勢嵯峨峰轉溪迴林濃
屋小泉流脈遠閣俯波深古雋沈郁天然結構左角下潘氏
季彤珍藏題左上右角下西廬後人

做荆關遺意

原就

第十二開水墨仿高士溪山平曠竹樹蕭疏境亦尋常筆持
深厚坡間屋宇与第一開同病殆是畫中化境也右角下海
飄樓書畫印邊上十八研樓珍藏左角下麓臺書画西廬後
人二印又鄒之瑤印題居中

用筆平淡之中取意酸鹹之外此雲林妙境也學者會心及此
自有逢原之樂矣 康熙乙未長夏做宋元諸家十二幀并題

于京邸之穀詒堂 婁東王原祁年七十有四

王原
祁印臺麓

古緣萃錄

弓十

十三

澄蘭室

右麓臺畫冊二本一作于癸巳一作于乙未中隔一年前冊
八幀專以高華工麗見長後冊十二幀專以沈雄蒼潤取勝
皆屬老年極筆絕世無雙嘗謂古人筆墨臻入化境無所不
能其拙處皆非餘子所能及按先生即于七十有四西歸而
精力猶如此不憊先生之極筆亦即先生之絕筆豈易得哉
先生畫冊前于京邸見一冊為石泉書屋故物見書畫鑑影
中題語附記于後以資印證

一開設色題

人家在仙掌雲氣欲生衣用松雪法寫家右

丞詩意

印首求是堂

印王原祁麓臺

右邊白雲紅樹

二開水墨題

江貫道學董巨而另有生趣

宋法一變此圖

近之

印原祁啓事

左角下圓印未識

石師道人

三開設色題

宋法精嚴荆關旗鼓步伐止齊筆墨繩武麓

臺題

印首隋倩

印王原祁麓臺

右角下圓印

四開水墨題

仿大癡

印原祁之印

右角下石師道人

左角下圓印

五開設色題

清月未及上黑雲如頽山余扈沒風阻江上

讀坡公詩有感寫此

印首蒼潤

印王原祁

右角下圓

印左角下白雲紅樹

六開水墨題 此幅呵凍用墨過重尚未失梅道人意存之
印王茂京 左角下石師道人

七開水墨題 巨然墨法此幅畧有入門處 印首俏倩
印王原祁 左角下石師道人

八開設色題 大癡秋山先奉常曾見之余就所聞略述其
意原祁 印石師道人 右角下白雲紅樹

九開水墨題 做黃鶴山樵丹臺春曉筆石師道人 印首
蒼潤 印原祁之印 左角下石師道人

十開設色題 秋亭竹色兼用松雪大癡筆寫意 印首蒼
潤 印原祁啓事 左角下白雲紅樹

十一開水墨題 高房山傳米家筆法而渾厚華滋又開大
癡生面兼宋元三昧者太原祁題 印原祁啓事 左角下

石師道人
十二開設色題 空山不見人但聞人語嚮誤返景入深林

復照青苔上仿倪高士設色寫詩意王原祁 印首求是堂
印王茂京 左角下白雲紅樹又圓印

以上十二幀無年月以畫證之當是中晚之筆幅皆精惟
石師道人白雲紅樹及圓印所見麓臺畫皆無之即石師道

人別號它處未見附識其異于此

王麓臺仿大癡天池石壁圖軸

紙本水墨高三尺六寸六分闊一尺五寸三分浮嵐烟嶂峻壁危坡林木陰濃溪流曲折山巔村落坡上人家高低相映筆墨滋潤中雄渾淡宕落大方左角下白門李氏珍藏右角上棠邨後人野石鑑定顯款左上印首古期齋右角西廬後人

大癡畫峰巒渾厚草木華滋浮嵐暖翠天池石壁二圖則尤生

平傑作也余兼師其意具眼者鑒之 康熙丙子冬日麓臺祁

呵凍筆

王原祁印 麓臺

王麓臺仿梅道人山水軸

紙本水墨高二尺九寸二分闊一尺二寸七分峯勢壁立起
伏蜿蜒路遠羊腸層累曲折雄關高踞山亭翕開樹倚岩多
溪隨嶺曲坡下山居幽靜古木蕭森氣魄沈雄筆力渾厚浮
烟漲墨一洗而空左角下李佐賢收藏書畫印題款左上印
首求是齋右角西廬後人

季書道世兄雅有筆墨之好己卯冬日余在邗阻風雪急欲歸
矣而季書憐之之意難却其請呵凍為仿梅道人筆 麓臺祁

王原
祁印 茂京

王麓臺仿黃鶴山樵山水軸

紙本水墨高三尺二分闊一尺五寸四分峯巒萬疊瀑布千
尋松影參差溪流紆折山半樓閣高下林間屋宇縱橫氣勢
崢嶸筆墨渾厚點斂綿密位置謹嚴題款右上印首御書畫
函留與人看左角下西廬後人

憶癸酉秋在秦為雨亭先生仿大癡筆今閱八年矣茲復為學
山樵筆墨癡鈍未得古人高澹流逸之致功淺而識滯今猶昔
也請正以博噴飯 康熙辛巳暮春下泮婁東王原祁畫

王原祁印

麓臺

王麓臺寫摩詰詩意山水軸

絹本設色高三尺三寸五分潤一尺四寸九分峯壑高低烟
雲繚繞樹石清潔泉水奔騰雲際飛瀑高懸林間野屋疏落
遙峯擬房山密巒侶梅道人而用大癡筆意為多蒼潤空靈
仍覺筆沈著題款偏左印首御書畫圖留與人看左角下
西廬後人

山中一夜雨樹杪百重泉 辛巳秋日讀摩詰詩見二句欣然

會心遂為皇士老賢甥寫此景以博一粲

麓臺祁

王原祁印

麓臺

王麓臺仿倪黃小景軸

瓶麓齋舊藏

紙本設色高二尺一寸七分闊一尺四分一峯遙峙岡阜相連數樹高撐坡陀平接岩旁水榭臨溪脩竹繞後以高士之格局運大癡之筆意秀勁蒼老矯：不羣題款偏左右角下西廬後人

天游姪吾家之白眉也為人好學思深溫然如玉而又酷嗜風雅以余復將北行過談弥日不倦因作倪黃設色小景示之使知理以機運神由氣全筆墨一道不外是矣 癸未元夕題

麓臺祁

原祁之印

麓臺

王麓臺仿大癡山水軸

紙本設色高二尺七寸三分潤一尺三寸五分烟雲變幻岩
臺靈竒平阜橫密層崖峻壁有層出不窮之勢林木蒼潤溪
澗深幽筆力沈雄氣味醇厚題款偏右印首御書畫圖留与
人看左角下西廬後人

筆墨一道非寄託高遠意興悅適經營點染時心手便不相關
古人於此每積硯閣筆動以經年亦機緣未到也瞻亭年兄見
付側理甚久每為公冗所稽今春養疴邸舍瞻兄妙劑可當七
菽霍然而起頗得淋漓之致可以踐宿諾矣書以識之勿以遲
見誚也 庚寅寒食前筆 婁東王原祁

王原祁
臺麓

王麓臺仿梅道人山水軸

紙本水墨高二尺八寸八分潤一尺三寸六分溪山迴抱中
豎一峯烟岫迷茫石壁竒峭叢林掩映磊石參差曲折鈎連

貫穿一氣筆墨濃厚氣韻深醇一點一皴無不用意題偏左
右上畫圈留與人看右角下西廬後人左角下宮子行玉甫
共欣賞一印

余憶戊寅冬從豫章歸溪山迴抱村墟厯落宛然梅道人風致
刻意摹仿未能夢見十餘年來心神漸有合處方信古人筆墨
以天地為師也雪巢大弟就幕閩中此行為道所必經奚囊中
試攜此圖渡錢塘過江郎山踰仙霞嶺時一展觀亦有一二胎
合處否近讀雪弟文清新俊逸更得江山之助出人頭地可以
為左券矣 康熙庚寅秋閏 原祁

原祁
之印 麓
臺

王麓臺仿大痴山水軸

紙本設色高三尺四寸濶一尺六寸六分岡巒蘊蘊絕烟樹紛披雲岫遙橫溪橋中接岩松聳秀坡樹凌空水複山重氣蒼格老洵所謂亂頭麤服書味盎然者也顯款偏右印首畫罔留與人看

六法之妙一曰氣韻二曰位置若能氣中發趣雖位置稍有未當亦不落于俗筆也余長夏消暑偶作此罔東塗西抹自顧無穩妥處取其麤服亂頭中尚有書卷氣存之以俟識者 康熙甲午六月下浣寫設色大癡筆意 王原祁年七十有三

麓臺

余藏司農畫八軸由丙子至甲午凡十九年骨韻本于天生自是大家風度筆意則始秀潤而漸蒼老試將八軸挨次懸觀確有循序漸臻之妙可見古人筆墨與年俱進愈老而愈神化神化之作固足寶貴果盛年用功之作亦大可珍也

大抵婁東三王畫法皆得力于子久中年用功時臨摹各家各極其妙至晚年薈萃古人之長而折衷于一家以就我之規度如烟客仿子久是烟客面目員照仿子久是員照面目司農仿子久是司農面目謂之非子久不可謂之是子久亦不可試取三王仿子久各卷軸參觀之自得其妙特不可以言語形容也

司農山水經營之作俱有長題畫軸亦然書法老筆紛披不求甚工其僅署一款者多偽作即真迹亦非精品所藏卷軸各種皆有長題宜其精神煥發也

司農畫圖留與人看印有二一白文上有御書二字左右螭龍腰元式所常用者也一朱文長方式惟此庚寅仿梅人一軸及甲午一軸見之豈後刻耶西廬後人印亦有二一白文一朱文間用之軸內所見不一：註明冊中所印則白文稍小殆又一方也

高江邨楷書洛神賦冊

紙本八開半計十七頁每高六寸六分濶三寸九分五行行十一字有烏絲直界是琴子蕭裱者楷法結構寬博用筆秀

逸靜穆之氣令人尋繹不盡是以大令為宗不圓于水晶宮
姿媚一派首頁下角紅兩軒印後款

康熙辛未夏六月書於江邨之瓶廬 抱瓮高士奇

高士奇
人澹

陳香泉詩翰冊

紙本八開烏絲直界四邊描花葉每高六寸四分濶七寸九
分十六行中有空摺處第一開臨黃山谷書九二開以下均
書自作書法飄逸兼河南北海之勝黃九不錄末頁有守齋
珍藏印

洞庭湖裏君山巔笑簫游人履屐穿欲見神僊無問處秦松五
樹碧參天 朗吟亭在湘君廟西一里後人因呂仙朗吟飛過
洞庭湖句建亭後有秦松甚奇古而志不載余故補之以詩
清都本自產醍醐未許凡流挈玉壺只有東方曾竊飲武皇舍

近一何愚 酒香山舊有亭今廢在崇勝寺西南三里平岡迤
邐竹樹森秀北遶軒轅臺重巒迴互巖壑深邃此君山最佳處
也

疑水疑峰近此湖蕭瑟斑竹點模糊空山獨拜黃陵廟花落春
風啼鷓鴣 湘君廟即黃陵廟也在君山東麓甚頽落山以二
妃得名其祠無修葺者守令之責誰為留意

乙酉四月五日入辰沅口大風下冷子波濤澎湃泊龍沙作游
君山詩並胥文相志書於冊篝燈坐更闌而風未已萬里遠人
此意誰復念之 奕禧記

寄點仙亭五渚南

資沅澱澧四水同湘水注洞庭北會大江名之五渚戰國策秦與荆戰大破之取洞庭五

渚是也

湖天獨倚太虛涵間尋樂草凌晨出秘授丹經入夜參竹

裏自彈琴破寂松陰偶遇客清談笑看白鶴時來去長揖羲皇

對遠嵐

贈岳州白鶴山道士鄭少微卽次其韵

滿湘清絕似初秋篴竹青連碧水浮坐對君編消客思三朝風

阻遂烏頭

水經注云山多篴竹者方竹也遂烏頭石在編山之右

寄書人往橘飄風

羅什當年事略同寂莫黃雲宮外月清宵自照井欄空 柳毅

井在崇勝寺東半里水與井口略平子午泛潮更綠色且有魚
腥寺僧皆食此水井去口丈許有片石作底鑿數孔以通泉石

下蓋不可測也井浚有亭亭壁有碑剥盡惟餘龍列二字若宗
人筆法惜乎未能考證由亭出谷兩崖古木對蔭新綠撲衣袂
頓令俗襟爽絕

孤帆若為遶夷猶偏指西南徼外州行到三苗曾未到洞庭春
盡宿巴邱 泊岳陽城下

郵遽傳聞入楚天南隨清蹕新年思君只隔江湖遠夜雨滿
湘獨未眠 洞庭雨夜懷吳西齋

康熙乙酉三月廿七日到岳州守風遂得游君山雖阻程途然
而往來者欲踰波濤而上殊未易也舟中默坐偶有所觸亂成

韻語念此名勝不能自止究無濟勝具不能暢發又用自慚耳
萬里遠人惟賴筆墨消遣昨日得斷句云間裏詩書尋得味老
來疾疾有何妨因隨意錄于素冊并記其所適之旨若此 海
甯陳奕禧

段柯古詩

折楊柳四首

戲高侍御七首

嘲飛卿二首

柔卿解籍戲呈飛卿三首

俱七絕

丁亥二月潛江道中書

奕禧

康熙四十一年十一月十二日奉旨召入南書房賦詩作書蒙
天語褒嘉指點教誨復承 賜御書御製詩臣何人斯忽受

知遇寵渥如此不勝感激慚惶之至謹賦五言律詩二章以獻
舜日垂元化堯年樂太平典謨傳道法禮樂煥文明學貫萬幾
暇書兼衆體精寸陰勤帝念乾健仰天行 八載叨郎署今朝
對玉除殊恩霑寵命至寶捧宸書舞蹈三陽泰榮光百世餘小
臣何以報樗櫟愧材疎 奕禧

陳香泉行草書屏

綾本六幅每高三尺九寸五分潤一尺二寸三分各書絕句
一首飛動秀逸直逼香光印首御賜日燬六幅全

背倚天峰湧化宮橫空閣道控淩虹炎雲六月應奇絕青瑣玲

瓏八面風 奕禧

陳奕禧印

謙六

下印並全

玉人有意惜芳春
寶帳籠階護紫雲
風月等閒猶不到
外邊蜂蝶莫紛々
夾禧

轉午聞雞日正長
小亭方丈納空光
綠陰一雨濃如黛
何處風來百和香
夾禧

雨入南枝玉蕊皴
合江雲凍冷芳塵
司花好事相邀勒
不著笙歌不肯春
夾禧

濕雲垂野淡疎林
十日山行九日陰
梅子弄黃應要雨
不知客路已泥深
夾禧

銀燭光中萬綺霞
醉紅堆裏缺簷斜
漫今絕勝西園夜
壓盡錦

官城裏花 奕禧

查聲山小楷羽獵賦冊

紙本十二開半計二十五頁跋一頁每高六寸四分濶二寸九分烏絲直界四行二十八字廿餘字不等輕圓流利秀媚絕倫得松雪過秦論筆意後題五行印首查字下角家在花谿石漾南只可自怡不堪持贈二印末頁聲山淡遠堂圖書印又汝南史氏門无剝啄松陰叅差禽戲上下午睡初足二印附頁身在書生壯士間連璧軒中萊子衣二印

子雲劇秦美新為儒者所不齒然讀其羽獵一賦真有忠君愛國之思較之茂陵封禪書其優劣何如也惜乎末路之不檢如此士君子立身一敗萬事瓦裂可不慎与後之君子讀其文諒其心可也 康熙庚午正月廿二日書于嘉魚道中 查昇

吳下
阿鼻
翰墨

國朝摹趙書者惟何義門汪退谷及聲山三家最工聲山天
資稍遜退谷而學力過之此冊道嚴絕倫殆師鍾紹京非僅
摹松雪而已也丁酉秋仲童淵若良契出此見惠如獲拱璧因
重裝潢成冊為系數語於後云李廷鉅識于韓江節署之絳

雪堂

李廷鉅印

翰墨

聲山小楷在

國初最稱精工以其天姿過人而功力復足

以副之故能出入吳興直追晉唐李跋謂其天資稍遜退谷
吾不信也特骨力稍遜退谷耳此賦曾勒于某帖中惜為蠹
蝕殘損十之二三其完好處圓秀冲和神乎技矣

汪退谷臨蘭亭各種卷

紙本凡三段

第一段臨蘭亭叙二十八行高七寸七分長二尺二寸七分
右角下西園所藏印隔水綾工實米齋一印末款一行印首
賞心

褚河南蘭亭本

士鑑臨

汪 穉

第二段書陶詩三十九行高九寸長三尺八寸六分行楷書
淵明飲酒結廬在人境秋菊有佳色青松在東園故人賞我
趣四首和郭主簿藹：堂前林一首移居春秋多佳日一首
諸人共游周家墓柏下一首書法通勁圓厚款一行印首紫
薇郎

汪士鑑

汪士鑑印

退谷

第三段臨西園雅集團記三十行高九寸長二尺四分左右角
下西園所藏印題款九行

庚寅六月新得華亭行楷真蹟共十二頁內有美堂記西園雅
集團記秋聲賦凡三種筆法秀逸頗類晉賢旁跋云臨樂毅論
書此冊誠非虛語世無石刻本余以華亭得意筆六秘之海暑

苦人心神煩躁爰臨華亭墨跡消暑習靜生涼清風四起書未
竟聞隔院彈碁聲余乃投筆而起十四日未刻也 汪士鋐書

并識

士鋐
私印

前年春獲觀王夢樓先生臨褚摹真跡余服其秀今年於靜
齋處見傳雲館臨褚公真迹余服其靜今又觀茹狀元所藏
汪退谷先生臨本余服其圓余向數臨褚摹真蹟終不能
得其三昧如退谷之圓夢樓之秀傳雲之靜得之矣 壬申

秋八月玉方陳希祖

註

退谷先生書淵明詩亦用意之筆、法直追趙吳興書 玉方

嘉慶甲戌秋仲大興翁方綱觀

翁方
綱印

汪退谷中允所寫蘭亭是康熙初年臨褚摹本冬心先生標
題四字可見專屬蘭亭無疑蓋蘭亭卷先在丁鉞丁處士家
金款稱鈍翁者是後贈茹古香狀元古香與五柳先生詩同
裝觀玉方陳侍御跋蘭亭妙處最精確論陶詩用筆亦是其
後為吳江顧南雅先生所得先生始取舊藏雅集圖記與淵

明詩右軍序合裒余在萬雅處見過二次南雅歸道山後不及十年竟入吳江一賣古董家今春受之侄自揚州歸至吳江市甫見急出重價獲之受之携卷來求余跋余悉是卷始末為之歷溯所自如右受之從余游既久頗能賞鑒書畫是月初三日余得定武本甚佳村姓同獲蘭亭是一件佳話卷首有覃谿師觀款余附題其後師弟相印又是一大快事有餘帝并題截句二應受之屬古稀老子耽書癖矣筆臨池解客嘲小阮今朝鳴得意遙中允訂神交注退臨諸側可補躍躡蘭亭用瑋極精鑄五柳先生詩西園集鍾翁題款分明在茹氏風流點已陳可惜吳江楓落後者番豪興屬何人丁鉞翁銓冬心嘉興七十六歲老者廷濟村末甫年癸卯夏五月十四日嘉興七十六歲老者廷濟村末甫

汪退谷小楷離騷經冊

馬十

蓄

澄蘭室

紙本十一開半跋半開計二十四頁、高五寸五分濶三寸五分八行、十四字半致飄洒得登善三昧首頁押角退翁印餘帑精書太史公曰屈平之作離騷至雖與日月爭光可也八行題款三行

爽林屬寫離騷經餘紙未盡因并書史遷語康熙五十一年十

月廿四日汪士鋐記

汪士鋐印

予愛讀離騷嘗欲書一冊自隨念卒未能得今蚤過爽林寓齋見退谷前輩所書此冊喜不自勝離騷既予所愛讀而退翁書法尤予所酷嗜得此冊平生志願足矣故書此以告爽林它日得間便當攫去爽林其好藏之勿謂予言之不蚤也壬辰冬十月廿有七日良常山下人王澍書

楷

汪退谷山水冊

紙本水墨十二開高三寸六分濶五寸三分無款每開有松南二字小印

第一開懸崖峭壁蹊路迴環一抹遠山數叢蘆荻魚蟹依岸
宋無一人印左角下

第二開兩山對峙一水中流遠岸迷茫風帆叢集印右角下

第三開岡巒夾澗林樹成陰遠水虛涵遙山銜接印右角下

第四開孤亭臨水小舫乘風柳色陰濃波平岸澗烟雲一片
風景殊佳印左角下

第五開崑崙陵園結岩樹爭榮老屋一椽依山倚澗清溪一曲
泉脈源長印左角下

第六開重巒樹繞絕壑泉奔山岸侵雲溪橋臨水印左角下

第七開兩崖高矗數樹疎排橋拱溪頭亭依岸曲遠山一角
無限烟波印左角下

第八開崇岡崑崙布絕澗中開怪石臨溪叢林映水數舟泊岸
高榭凌波印右角下

第九開林巒層疊樵徑紆迴巖壑幽深溪山淡遠印右角下

第十開峻嶺磊砢疎林蕭瑟橋臨水面亭峙山巔溪草披風
雲峰隔岸印右角下

第十一開峭壁臨流深林隔岸山樓水榭掩映高低一角遙
山風帆兩印左角下

第十二開雲峰濃厚岩樹青葱數屋坡前一橋澗曲沈鬱疏宕筆墨淋漓印右角下

退谷畫不多觀此冊氣韵沈渾筆意古厚實兼宋元諸家之長就近論之其蒼勁似麓臺其秀潤似石谷其率意處又極似江上外史有士氣而無俗韻真能品也舊藏瓶麓齋余既得確證今夏同邑陸冰文以先生臨褚聖教小楷卷子屬題下款乃是松南汪士鋐其為先生之作無疑矣外舅小札一帋附粘冊前並錄于左

退谷山水極工為書名所掩遂鮮知者余舊藏一無款山水冊筆法似王司農每頁有松南二字小印記得松南是退谷別號可取疑年錄等書一查如即是退谷則當与是同藏卷價即稍增六應為延津之劍作合也伯英賢壻考之

汪退谷壽縻太夫人詩翰軸

綾本大行楷四行高五尺二寸六分濶一尺三寸三分書法圓厚渾脫頤盼生姿左角下有子正氏姚榮印印首傅峯玉

樹

清秋繡幕曉烟開簾捲西山積翠來海上仙籌增鶴算堂前壽
酒泛霞杯天教松柏春常在人並冰霜志不回最是閭儀綿世
澤好看門第正崔嵬 奉祝邵母糜太夫人五十榮壽 汪士

鉉

汪士

松南

糜太夫人先七世庶祖妣也此軸藏余房多年不知所自來
以子正姚氏印證之當是子正先生持贈先祖者子正常
熟人与邵氏為中表常游梁苑有義門先生為六世祖柔
上公所書楹帖六先生所貽詳見後
松南二字二十餘年無碣證豈知此幅正是松南印可見舊
藏之物不能時展看必待見陸卷而始信然得此又是松
南一確據也

萬九沙隸書程子四箴屏

絹本原大堂軸改裱屏六幅每高三尺七寸九分闊一尺一寸一分三行十字隸法古雅疏宕西漢之遺款楷書二行

損庵年兄老先生屬書 甬東老友萬經

九九川坡翁萬經行又号九沙之印校士黔南

何義門行楷書詩卷

絹本高一尺六分長九尺五寸絹一接書法沈著謹嚴力透紙背題首筆近唐人四字篆書款古歛程恩澤為芙川先生題所錄七律四首未知所出錄存之印首耕野

年狀皆齊初有髣鵲山漳水忽追隨使君座下朝聽易處士亭
中夜會詩新作句成相借問閑求義盡共尋思經今三十餘年
事却說還如昨日時 玉陽峰下學長生洞府仙中已有名獨

戴熊須冠暫出唯將鶴尾扇同行鍊成雲母休炊爨名得雷公
作吏兵却到天壇上頭宿應聞空裏步虛聲 擾、人間是與

非官閑自覺省心機六行班裏身常下九列符中事且稀市客
慣曾賒賤藥家童驚見著新衣君今獨得居山樂應笑多時未
辦歸 仙郎白首未歸朝應為蒼生領六條惠化州人盡清靜
高情野鶴與逍遙竹間虛館無朝訟山畔青田長夏苗終日政
聲長獨坐開門惟望浙江潮 丙戌秋日書似夢庭年世兄正

字

何焯

何焯之印

太史氏印

一瓢顏基

吳門書派明以徐武功祝枝翁文衡山父子沈貞吉父子唐
六如王雅宜黃姬水薛雲公范允臨諸賢各有擅長均為書

壇老宿兼通書理六法克臻其妙流風餘韵至國初尚有汪
退谷楊大瓢徐大臨及義門先生書法具有師承點畫不苟
學者從此津逮自無歧路惜乾隆中葉劉文清王夢樓梁山
舟翁章谿伊墨卿陳勇生諸人出而吳門書派遂為所亂見
異思遷今古法竟成絕響昨与芙川世文論書印合以此卷
索題因放膽志此咸豐八年十一月望日滄浪水樵徐康書
于雲山官寺 辭

外高祖邵味閒贈公為世大書家隆禮賢士歲以千金聘義
門先生來雲同寓破山古寺竹香泉精廬讀書染翰處也偕
者汪退谷汪杜林翁迂伯皆書家英俊久聚歡甚此以得意
書相貽也綸曩見迂伯先生論書云義門近日酷摹子昂殊
不可解然有本領可知義門先生生於古法無所不觀擷英華
棄疵敝運筆六追逼前人不獨校正羣籍學識高邃特膺召
試遇稽古之榮也卷中字宛裏緊密精力凝厚晉唐規矩咸
具較平時所見尤為全璧張氏得之邵氏兵後落農人手今
仍歸其裔孫曼如孝廉數典不忘即紙墨亦然故物殊還什
襲誌喜 光緒四年戊寅仲秋月望日外元孫吳鴻綸恭記
此義門先生為 五世井祖所書卷也藏之壽樂堂數世後

歸張笑川先生亂後仍為舅如購得今得之舅如處今仍藏
之詒安堂舊宅迄今二百年矣纖素猶新其折損數處則兵
燹時所致也儒卿先生跋語足資攷證詳錄于右尚有觀款
暨古跋未錄

杜林先生書法吳興丰致翩、可愛貽味間公小詩二首亦
得之舅如處附錄于後

鄂庭大兄自新安返虞山枉嘉貺四種謹作小詩二章以報
明德

貧友多君慰寥寥憑將遠物付長謠
磬縣羞愧煩局鑄藥短
殷勤為辟魑潤屋心情差觸撥新年氣味早招要愁城閉斷
還衝破儘放詩腸落酒瓢
萍蓬蹤跡幾星霜昔、低回夢
舊鄉歛浦晴波螺黛色彩山
秋樹棗錫香高灘急雪前村碓
遠陌斜陽小婦筐一自絨
膝勞損餉居然風味在南堂
此乙未冬舊作鄂兄索余重錄
出自知不足存而又重建良
友之意感前此二十餘年相
知之雅遂錄以應命
弟汪應

銓并識

鍾

杜林

何義門楷書楹帖痕冊

古緣萃錄

与十

共

登蘭室

金箋七言剪裱每開二字下聯缺鳳字德字缺小半

竹苞松茂新高第鳳翥鸞翔振德門 柔上年道翁 義門何

焯

何焯
之印 瞻 咳

乃坡妹丈与余同受業陸澹邨姑丈師名仁虎讀書醉義堂
偶於曝書時見義門先生所書金牋楹帖知為令先祖款字
漫予索去昨秋由武林歸里乃坡裝成一冊仍以贈余然翥
上已失太鳳字矣栗園表妹倩飛鳥淮甯善政宜民循猷卓
著公餘之暇好古成癖為政風流今在茲洵足增吾黨之光
也甲戌春相晤汴梁譚次索此因復歸之不特楚弓楚得即
以此中吉語爰祝雲路鸞翔丕振德門云尔二月十日書於
梁園節署 子正愚弟姚榮

姚榮
之印 正子

何義門大楷書条幅

紙本高二尺七寸七分濶一尺五寸二分四行又三字款
行印首貞志齋

聊登縣圃殿更上增城山不知高幾里低頭看世間唱歌雲欲聚彈琴鶴欲舞澗底百重花山根一片雨婉々藤倒垂亭々松直豎 師洛賢友八法過余遠甚乃索拙書惟有慚惶 何焯

何焯
之印

姜西溟王虛舟臨古冊

紙本十一開計廿二頁

姜書六頁高六寸一分濶四寸二分每四行字不等臨右軍

四札一節日縈牽少睡一快雪時晴一鄉里人一旦極寒都
廿二行第三札下有西溟一印後款印首只此是學

臨右軍數帖戊寅春雨中

姜宸英

姜宸英印

西溟

王書十六頁高八寸二分濶四寸一分為絲直斫每四行字
不等臨孫過庭書譜夷險之情至連而不共六十三行題款

小字三行

此余雍正六年所臨緣被人攫去前幅意闌甚不復完之遂令此書竟失首尾可惜也九年十二月十二日瑯琊王澍書後

澍

虛舟

王虛舟臨右軍帖冊

紙本十六開計三十二頁每高八寸濶三寸九分
一開至三開臨官奴少女帖十一行二謝書云九行後題

官奴二謝真跡明季在新安吳用卿家余所得宋搨精本乃昆陵楊氏所藏玉潤珠圓下真一等鬱岡快雪祖刻也

四開臨道護帖五行後題

右軍道護帖世所罕見獨僧希白潭帖中有之耳特為拈出

五開至十六開臨右軍二十五帖後題

維揚涂君呈書藏得曹之格寶晉帖宋本所載右軍帖口屬口
口未有因屏人事臨得口佗日重過維揚當口患呈書重刻之
石嘉惠後學也丁未九日

王虛舟臨大令帖冊

紙本十二開計廿四頁高八寸濶三寸九分
一開臨月終帖四行後題

月終帖米老目以為偽米學竊謂此帖与永嘉授衣等帖筆妙
心同皆大令極矜練之作口目為偽恐是過

二開臨不審尊體帖四行後題

米以此帖為羊欣書尤臆決無據僕以為此真大令合作羊欣去此恐尚當三舍耳

三開至五開臨大令五帖後題

此五帖皆大令擬右軍書亦可謂具體而微矣米黃二公多有異論只好隔壁聽

六開臨衛軍帖五行七開題

衛軍王薈也薈為王導第六子於大令為從伯封父以疾卒於官贈衛將軍此云衛軍猶未平和則薈尚無恙不應遽稱衛軍

決知非薈按王劭第三子恢為右衛將軍此稱衛軍或當是恢也僕射王劭也薈兄桓溫表為尚書僕射此云表謝臺職或以桓溫薦故陳表固辭歟

八九開臨靜息應佳帖九行婦性帖二行服腎氣九帖三行十開臨夏日感恩帖五行後註

思道徽之子楨之小字

十一二開臨吾十一日發吳興帖十一行頃舍復何如三行

王虛舟碎墨冊

紙本合前題後跋二十開又半大小楷行草書不一帝之長短寬窄不一或一二行或十數行皆不全之本更有題簽數帝亦附于後首頁自題四字末頁自跋一段

虛舟碎墨

余書謬為世愛即片紙隻字臨池家亦爭相購取此廿年前興到所書作輟無定不復檢點遂零落廢棄為童子收拾裝潢成冊今日展閱頗有可觀當又為見者心喜也因書數語于後以記學士雅好一時之盛云 良常恭壽老人王澐

澐舫

此冊直是先生臨古或為人書墓志寫壞之頁為人裝冊求題遂書數語應之其曰興到所書作輟無定猶欺人之談也亦足見當時書法名噪一時雖殘鱗片甲人猶爭相寶貴也

王虛舟篆書幽風七月詩屏

紙本十二幅高四尺九寸二分闊一尺四寸二分烏絲方格四行行十字鉄線篆書七月全詩末幅楷書題跋七行行二

十六字

余論篆法有三要一曰圓二曰瘳三曰參差三者之中瘳尤難
到非天然高學力至精神足末由勉強稍有勉強即筆力非擁
腫便倔强而通身廢矣此須是平時養得氣足臨事又如無所
用力乃能細心熨貼而曲折匠心匠心之至筆筆皆從心坎中
抽出而字挾精采筆負聲光越瘦勁越腴潤矣李少溫後惟子
昂居此微妙有明一代罕有津逮者李西涯文徵仲諸公使盡
平生氣力徒慙脚板耳 賜進士出身司封司諫史官第一福

地王澍書

天官
大夫 澍

王虛舟臨李陽冰謙卦屏

紙本四幅每四頁計十五頁附一頁錄跋頁高一尺二寸九分濶如之五行之三字鉄線篆每字約長四寸濶不及二寸第十五頁題款六篆書

唐李陽冰書

金沙王澍臨

澍

天官大夫

虛舟題跋中有臨謙卦跋一則此本無之余曰有附頁一帋遂錄于後其論篆法与七月詩跋大同小異此書原裝一卷十五方接裱予因展觀不便改裝屏四可縣玩焉

王虛舟篆書小幅

紙本高二尺三分濶一尺四寸一分六鉄線篆書五字當是為人祝壽者章法極佳可縮摹一印右角王至望鑑藏印

如南山之壽

天官大夫王澍書

澍

蔣拙存臨書譜殘冊

紙本連跋十開每高七寸七分濶四寸八分烏絲直界頁四行字不等自注代祀縣遠至六乃情深調念共六開自漢魏以來至垂拱三年寫記又一開半後跋兩開又半

孫公書譜精熟二王法雖縱橫跌宕無一點拂不中繩墨顛張醉素非不神奇但後學步趨輒入鬼恠規模過當或亦作者有疵余嘗云行草須用正書法正書亦必得行草意庶於血脉貫通中而提頓轉折之妙自具八年之前在京師見鄉先輩王虛舟草法嘆為奇妙舍弟星泉得其法亦遂睥睨一時老拙無能甘心袖手近來略得其理揆之作書法絕無真艸懸殊覺二君

欺我久矣但媿拙鈍不能記憶難於自作若臨摹舊本無可遜
焉此百幀為顏引年作諒不我笑也 庚戌嘉平月十一日祭

聖廟日燈下江南拙老人蔣衡醉後記

衡

拙

孫過庭書譜極媚秀而吾家玉潭兄以老筆出之沈雄遠勝
書法云服古須有我有我則不為束縛使精神自在流出斯

為妙

下缺

老筆紛披拙破妍更無懷素與張顛二王真訣千秋在一髮

今從書譜傳

題稊帖廿四首之一

寶笈珍函草有靈張參

校定作儀型

正宗幾句傳孫訣此是書家本行經

論書絕句

十二首之一

余於國朝人詩文集佩服淵雅堂而於書家

酷愛王虛舟蔣湘帆以余幼習歐陽率更帖也虛舟靈妙過

于蔣而湘帆樸老勝于王此冊自記凡百幀茲僅存八幀不

及十分之一惜矣然樸實渾厚真浚過庭三昧一滴水可知

大海味又何以多為也今晨偶暇因錄淵雅堂集詩二首以

當題跋

戊辰小春初十石翁并識于易安軒

蔣拙存節臨各種屏

紙本六幅高三尺六寸五分濶八寸七分烏絲直界每四行字不等

一幅楷書臨郎官石記序至德光被至盡在周行矣後款

張長史尚書省郎官石記序 左無明拙老人蔣衡

衡山野鶴
湘水孤雲

一幅臨醴泉銘惟皇撫運至琛贄咸陳後款

歐陽公書醴泉銘 寫十三經老人衡書

國子先生
江南人

一幅臨唐太宗書八柱承天至濟其鴻業後款

唐太宗書 江南一老拙蔣衡

衡
我欲蓬萊項存

一幅臨聖教謝表玉豪降質至咸歸冊府後款

聖教序謝表

江南衡臨

存拙
衡

一幅臨唐相國告經濟之才至置之廊廟後款

唐相國告

拙存老人蔣衡

杜陵
翁

壽

一幅臨君謨書畫錦堂記然則高牙大纛至望於公也後款

畫錦堂記蔡君謨書

華陽第八洞天蔣衡

拙存
老人

楊大瓢臨黃庭經冊

紙本六開計十二頁高六寸闊三寸二分六行三十數字廿
字不等書法勁挺純熟如一筆書首行題十二字末款二行

鄉思樓臨黃庭經第二十三本

甲午
年

縣尉
管書

乙未重九前三日山陰楊賓臨為虞山道兄清鑒

大瓢
印

楊賓
之印

傳之
其人

黃庭雖皆唐人書然圓渾居多其臨晉猶有晉人筆意故也
惟歐陽信本所臨仍是歐法然不多見昔年但見汪巽泉尚
書師所集晉唐小楷兩冊內有之此大瓢山人所臨但臨其
間架結體耳至筆法則純以側鋒取尖利之勢注見大瓢它
書亦如此自有一種勁挺之趣於黃庭中拔戟自成一隊者
曾之扶山年老道兄以為何如 咸豐甲寅四月十八日建
卿弟朱善旂

朱善旂印

楊大瓢書詩軸 瓶麓齋舊藏

紙本高三尺五分闊九寸行楷書七絕一首印首畊廬

方袍未染洛京塵類上三毫似有神不是首陽雙義士定稱景

定一詩人

楊賓

楊賓之印 夫耕

入

卷之三

卷之八

四六錄
卷四
四六錄

[illegible]

卷之四

[illegible]

五言古詩

澄蘭室古緣萃錄卷十一

古虞邵松年輯



國朝

蔣揚孫虞山西城積翠圖卷

瓶麓齋舊藏

絹本設色高一尺一寸長二尺八寸二分城郭半山屋舍鱗次辛峰高峙湖橋遙橫蒼翠滿山烟雲疏宕青桐居士畫山水不多觀相傳石谷子有西山積翠圖此蓋仿其意為之畫筆亦絕似石谷題首虞山西城積翠六篆字馬咸之印拙賢二印題詩並款在後半印首學古卷首下角青桐居士一印

欲識城連寺先看水抱山峯晴標萃律溪午任潺湲齊女朝憑閣吳王夜出關幾回扶短杖游盡不知還何處覓丹邱心悠

古緣萃錄

弓土

一

澄蘭室

地自悠草迷芳徑綠雲護碧山幽城郭新圖畫臺池舊釣游為
看濃蔭遠猶憶盪輕舟境熟幽棲地神游接翠天輕描山有
色淡拂水成連彷彿桃源霧依稀柳浦烟捲簾憑眺處相映自
生妍時癸丑初夏兀坐小樓遙望西山積翠新綠方舒憶五
年前曾見烏目山人虞山圖筆法尤佳余雖不敏聊以效顰裝
成置案頭以助卧游一快耳

蔣廷錫

酒君 朝 葵 翰

西郊樓葦白雲飛繪出春晴錦繡靡嶺跨一城分內外峯高
層閣在依稀翠帷濃護山房迴秀幙遙凌石洞微昔共釣游
今入畫鄭虔三絕不輕揮乙卯仲春張玉書題
烏目舊名勝清秀萃於茲蔣君何能爾詩畫精于斯詩中固
如畫畫中復有詩飛閣密林裏吳王寺隱西東望辛峰高老
朋殿宇低層接雲表歷連城谿陰晴景無窮收拾畫圖

中天然間濃淡點染入化工熟翫遙吟詩彷彿生春風 玉
書并題 註 錄

愛此虞山勝綿延尺幅中樓臺輝夕照城郭繞春風老子祠
猶古吳王廟尚雄迴峯眠抱犢映水卧飛虹點樹千重翠殘
霞一抹紅文華撫不盡詩思完無窮蓋世功名大為園筆墨
工 聖朝真柱國神綵奪天公 竹牕高士奇 竹牕 二吾 居士

抱犢峰高城郭通舊時鳥目與今同文章巧奪春光麗神韻
新裁造化功畫裏山川看不厭胷中天地限無窮幾回夢到

虞山頂認得當年蔣相公 梅隱范風仁題 梅隱 范風 仁
在都時聞家嚴文肅公有虞山園一卷注來于心而不得見

者經數載矣今隨 聖南幸獲觀是園于同里邵太史寓邸
果文肅公之真蹟也謹附一律以識 傾蓋裝頭獲積珍展

觀遺澤尚留塵故鄉景物依稀接先子風流縹緲親筆屋樓
臺天外潯幅間邱壑眼前新當年欣賞知多少應道山靈自

寫真 時丁丑暮春九日男溥百拜書 蔣溥 軒
烏目傳奇蹟先生躡舊蹤連雲開畫障積翠淨塵容峻拔雙

瓊闕深疑七里龍雲中崢古殿亭外插辛峯梵塔雄孤峙人
家密萬重樓臺分上下草木正陰穠得假經綸手聊攄錦繡

曾素存題學海文恪接詞宗拂案幽情適明窓熟玩恭忘食
十日想後學歎無從 歲在丙寅三月廿九日觀于京兆官

署回題

四虛閣主沈志祖

主人 四虛閣 沈志祖印

此卷曩在京邸外舅嘗出示余謂余家南沙且文恪跋中言
見于邵太史寓邸定是君家故物當歸余什襲後忽卒未踐
宿約今得仍藏吾齋 夙緣也

蔣揚孫墨花卉卷

瓶麓齋舊藏

絹本水墨略施淡赭高一尺五分長一丈四尺四寸七分共
八段一碧桃桃花名一枝二蘭花石頭三海棠四雙鉤蕙草
兩莖五牡丹二朵六薔薇秋海棠萱花七松竹八梅菊竹子
墨彩鮮妍筆意生動南田以後此其嗣音卷前印首漱玉下
角生花未能忘物二印卷尾下角青桐居士書画禪一洗膠
粉空二印款題卷後上角草書

余曾三兄設色寫意皆妙麗絕倫乃以素絹索寫墨花不揣粗
鄙塗抹竟卷無論雷門布鼓為識者嗤笑而以紅牙象管曉風

殘月忽聽關西大漢銅喉鐵板唱大江東去有不駭耳者乎書

此誌媿

康熙戊戌秋蔣廷錫

蔣廷錫印 西君墨戲

絲綸餘暇繪風光西苑晴曛萬萼芳玉采似露仙掌露墨痕
如裊寶爐香月杳風枝筆有神不施朱粉越清新晴窗坐
展鵝溪絹飽看天街浩蕩春康熙庚子小春王頊齡題

王頊

眉湖書印

開遍名花頃刻中揮毫二十四番風知君自有調元手墨色
淋漓恣化工四時佳興靜觀花駭綠紛紅莫浪誇寫到天

真爛漫處始知素質帶烟霞庚子孟冬王鴻緒題

王鴻緒印

齊

墨池膏潤長新芽春滿風流學士家手握化工藏不碍紛
迸出四時花何用花神取次裁羣芳齊向卷中開倚雲和

元龍題之印

露根株貴輕薄封姨不敢來庚子長至日陳元龍題

元龍題之印

懸針垂露華如神寫出花枝總逼真萬紫千紅讓顏色墨池
留得十分春衆卉芬芳古幹斜清如水雪爛如霞何期十

王寅

題

臣

文紅塵裏飽看神仙頃刻花壬寅五月張廷玉題

張廷玉

題

臣

古緣萃錄

弓士

三

澄蘭室

開向侍臣家 燕許韓蘇隻手承尚將餘事敵吳興請看卷
尾驚蛇跡阿買方慙百不能 曾三世兄出宗伯家亦寫生
手卷見示恭題二絕請正 蔣連 之印 聖朝樂事
人巧天工孰所為大羅遺事在花枝曾送先帝句陳裏親見
先生試墨時 無言桃李點春深香到幽蘭上怕湛領略卒
章歸宿義梅花黃菊一般心 張照時雍正乙巳中秋 張照得
顥穹風露竟何功香豔排挨歲篇中却是丹青元化手一時
迴施百花叢 寂寞山栖步探遲林陰霜後草花姿爭如筆
力能回幹大朵高枝照四時 汪應銓 汪應銓 錢印 林
門下晚生錢唐梁同書拜手敬觀 梁同書印
跋前有燕園虞山蔣伯生所藏二印

蔣揚孫花卉冊

紙本十二開高七寸二分濶九寸四分

第一開牡丹水墨略加淡赭一花一蕊右邊生機一洗膠粉

空二印

第二開設色杏花燕子花色微褪右角下蔣揚孫一字酉君

得元人態二印

第三開設色柳葉風飄荇藻水漾游魚波面爭逐落花右邊體物一印

第四開設色荷花一花一葉中雜水草淡遠有神左角下學

堂氣味一印

第五開水墨雞冠雁來紅各一莖湖石一卷右角下妙与道

俱一印

第六開水墨碧桃一枝蒂間畧染紫色右角下西君墨戲一

印

第七開設色菊花二種石邊草色離披左角下西君學畫一

印

第八開水墨萱花朵背微參淡赭意極生動右角下興到筆

隨一印

第九開水墨桂花一鳥栖息其上羽間略染淡青左角西君

一印

第十開水墨蘭花三莖秀逸有致左角生花一印

第十一開水墨芙蓉花朵略著色右邊形似一印

第十二開竹松梅畧襯淡青左邊青桐軒書畫記一印題款

在右上

庚寅一月五日為紫滄年長兄寫 南沙弟蔣廷錫

楊孫一廷錫
字酉君 寫意

蔣揚孫紅白荷花軸

絹本設色高三尺四寸七分濶一尺八寸二分紅荷二蕊一
粉白荷一數色清豔莖葉生動游魚數尾相逐于蘋藻之中
花上二蜂栩栩欲活畫法沒骨工緻絕倫左角下姜勗甯氏
世守題款左角上

辛丑嘉平月寫 南沙蔣廷錫

蔣廷錫印 朝
染翰

楊西亭墨花卉卷

紙本高九寸長七尺一接梅竹菊花蘭蕙數種墨光浮動氣
韻清腴卷尾下角老鶴時年七十有七一印題在卷前印首
西亭

梅清而癯瘦竹為伍蘭言自馨菊態自舞品各超凡相依得所

庚子七月我生明戲寫于暖翠山房

西亭楊晉

楊晉 暖翠山房
子鶴

楊西亭山水花卉竹石冊

紙本水墨八開高七寸四分闊一尺五寸
第一開疎林遠岫竹石清幽臨水茅亭筆意淡逸題右上

林亭遠岫

倣倪高士意

崔道人

第二開坡石對峙溪水中流疎竹數竿遠山一帶鳬鷺羣下水草風披右角上題

倣趙吳興竹溪圖全用文與可畫法

事

第三開狹澗泉流橫岡草茁數叢野竹兩株蒼松題偏左印
首墨禪

墨雨生涼傍石陰蒼髯偃仰動高情山林歲晚多清興冰雪相

看共結盟 石田詩 楊晉 鶴

第四閣梅竹題偏右

逃禪老人墨梅筆力蒼勁有印錐 應作泥 畫沙之妙故可為墨梅

第一 松雪翁語 雪閣移 標人

第五開兩坡竹翠泉水滌洄夜月空明烟雲淡宕無題款左
角楊晉子鶴二印

第六開墨蘭右邊題左角養拙齋印

寫蘭是趙吳興後惟文待詔一人而已此幅略得兩公用筆法

楊晉 鶴 之印

第七開竹石題左角上

倣柯丹邱竹石能得幻霞風致

晉楊鶴子

第八開楊柳清溪題右邊

楊柳當門溪水清
柳花飛盡綠陰成
讀書活計如種樹
對到榮

時人亦榮 石田先生詩 西亭楊晉畫

晉楊鶴子

楊西亭擬關仝秋山行旅軸

絹本設色高五尺二寸五分闊一尺四寸八分烟巒高下雲
棧紆迴綠樹丹楓蒼崖翠巖益以山樓水閣飛瀑鳴泉點染
精工位置置嚴密筆意秀潤直逼耕烟題右上有印無款必是
圍屏散佚者

秋山行旅 擬關仝筆

楊晉
私印 雀子

楊西亭萬壑松風圖軸

紙本水墨高二尺七寸五分潤一尺四寸七分巖壑深邃松柏參天峻嶺橫雲孤亭臨水二人坐對於上竹篠一片泉石雙清右角下家在虞山第一峯題款左上印首稼墨

趙承旨臨董北苑萬壑響松風百灘渡流水此圖近之 丁酉

仲秋既望 西亭楊晉

楊晉私印 鶴子

蔡天涯山水軸

紙本設色高四尺一寸五分潤一尺八寸八分山峯奇削樹木條直最遠一峰高峙雲表水榭臨流二人對奕溪橋架處一人扶筇一人作對語之狀鉤勒用濕筆皴點不盡融洽而遠望亦自突兀可喜題款左角上

丁亥小春仿唐解元意於海虞精舍之南軒 紫帽山人天涯

蔡遠

蔡遠天

馬扶義花卉翎毛軸

絹本設色工筆高三尺七寸八分潤一尺六寸四分巨石斜
植上布菊花三種雁來紅三莖一雞携五雛啄草間一蜂筆
致工秀雅近南田款左上

做黃居寀作

馬元馭

元馭之印 義扶

馬扶義水仙軸

紙本設色高二尺六分潤一尺二寸八分寓意水仙鈎染生
動筆致蒼潤淡逸膠粉一空題左角上

清香秀質異羣芳尚值春初入豔陽洛浦仙葩原絕俗輕盈弱
態韵偏長 癸未首春八日寫於執香居 栖霞老人馬元馭

元馭
栖霞

托根不藉土滋養但清泉秀質原殊衆嘉名合是僊况當秋
菊後尚值蚤梅前百卉盡搖落無花可並妍 丁丑仲春菴
香居煮茗話舊見栖霞先生此幅筆致蒼勁飄灑足稱絕構
目紀興湧頭一律 聽山曹澗 曹澗字聽

馬扶義芙蓉鷺鷥軸

紙本水墨高三尺三分闊一尺五寸四分芙蓉兩株挺植水
際花葉飄洒水仙高出其上一鷺坡前有蕭瑟之象鈎染秀
逸靈活異常題款左上

涼風起天末白蘋發幽香推窗望明月鷗鷺立池塘 栖霞散

人馬元馭

元馭扶義之印

黃尊古雲棧八景冊

紙本設色高七寸七分闊一尺三分
第一開峯巒層布溪澗紛歧岡勢綿延山城半露橋重路折

屋隱坡遙，斂點深濃。氣象渾厚，右邊觀我堂。左角下竹朋真賞題。左上。

寶雞清曉

鼎間下並全圖

第二開巖崖聳峭，磊石欽寄。陡壁雲橫，清溪水急。一舟泛流而下層：樹密隱：山多筆勢，蒼茫墨色。沈浸題左。

嘉陵春漲

第三開，巖巒層疊，洞壑深幽。岩樹蒙茸，山蹊陡峻。筆墨濃郁，氣勢嵯峨。題居中。

龍洞伏流

第四開，雲橫遙嶺，水界平坡。岸柳參差，山城平曠。沈鬱曲折，點綴分明。題右上。

褒城平曠

第五開，奇峰插漢，絕澗奔流。岩草離披，溪石磊落。重：摺疊周嶺，無窮異境。頓開靈思，奔赴題偏右。

古緣萃錄

与十一

八

澄蘭室

觀音奇編

第六開峯陀盤鬱石筍鋒尖絕峽泉流層岩路曲數椽絕頂一角遙山筆意縱橫境地奇闢題左上

雞頭峻嶺

第七開峯：壁立天矯離奇萬木陰濃旁開絕澗沈雄渾厚筆力堅凝題右上

五丁古峽

第八開重岡對峙萬樹爭榮閭闔中開一溪陡峻邱壑幽邃筆墨蒼渾左角下青溪珍玩題款右上印首水邨

劍閣雄關 戊戌春日游蜀過雲棧即寫眼前景漫成八幀

黃鼎

黃鼎之印 驢亭

黃尊古松溪草堂園軸

紙本設色高二尺六寸六分闊一尺三寸五分峯巒高下澗壑紆迴松蔭參差茅亭高築階前一鶴竹繞千竿烟靄重筆意鬆秀題款右上

松溪草亭圖 壬戌秋九月客於晴雲書屋擬董北苑意為玉

京老道兄咲正 虞山尊古黃鼎 黃鼎之印 尊

借君圖畫看下筆令人難雲暗如蒸雨松多欲隱巖流泉咽谿急空翠濕衣寒鄭重黃家墨平生得此觀余愛尊古畫品秀逸此幅是其得意筆也乃轉贈玉京道兄并題一律以博賞鑒 長白索芬 索芬之印 素芬

顧若周仿華原山水軸

絹本設色高四尺八寸七分闊一尺五寸七分矗立數峯層雲動宕危坡絕壁陡壑層岩山隙高樓繞以丹楓綠樹雲間羣木與山頂叢林高低互映筆墨渾厚氣象崢嶸右角下石筍草堂題款右上

雲中山頂四面峻厚有泰岳沈雄之氣惟北宋范華原能盡其

勢

九峰山人顧昉

顧九華山人

陸上游蓬萊樓觀圖軸

紙本設色高三尺四寸四分闊一尺七寸四分峯巒插漢樓閣凌雲百道流泉一泓碧水松岩高峻雲棧盤紆上游為墨并高足此幀筆墨絕似耕烟乃知當時名流為所陶鑄者多矣左角下第九洞天印右角下鉏雲子心師造化二印題款右上印首鉏雲堂

滿地白雲無入處白銀宮闕青葱樹丹梯窈窕躡層巒玉塔玲瓏含遠霧芙蓉削翠浮春空月窗面々凌烟虹羣真往來馭靈氣時聞鸞嘯迴仙風采芝曉吸丹臺露瓊佩倚風鳴寶璐甘華

碧草映參差，紺雨紅泉互飛澍。畫圖傳自李公麟，洞戶琪花萬
古春。願乞一杯九霞醞，酌君地上真僊人。丁未二月上浣，寫
蓬萊樓觀圖恭祝西園尊先生四十初度并正。林屋弟陸道

淮

陸道
淮印
父印
山衣

唐石耕桃源圖軸

紙本設色青綠，高六尺六寸九分，闊三尺四寸。溪水潌洄，翠
巖合沓，蒼松隔岸，白雲中橫，洞口泉飛，一舟泊岸，源中人家
幾處，遍地桃花，松竹成陰，峯巒聳秀，田塍水護，溪岸橋連，漁
父携漿前行，有三五父老相迎，問訊烟雲，變幻風景，義皇題
款，右工，印首墨農，左角下枕石者，雲印，章俱以朱描，豈作客
要江未携片石耶。

桃源圖 一片花飛紅似雨，旖旎春風水曲山，深處小橋斷岸

閑尋去桑麻雞犬誰家住 試問滄田今幾度物外逍遙未省
人間路只笑漁郎歸去錯重來不見桃花樹 調寄蝶戀花

辛丑長夏畫并題石耕子唐俊時客婁江夢花艸堂

唐俊時耕

畫院各名家山水花卉冊

絹紙各半十六開對幅諸家題或臨摹古帖或雜錄各種
第一開絹本設色工筆高一尺三寸八分闊九寸二分兩嶺
崔義寧環緊抱溪流清淺澄澈虛涵楊柳千條荷花萬柄棠
門半掩水亭洞開岩草披風溪蒲出水欄依岸曲峯入雲青
一人獨坐亭中几設爐瓶納涼揮扇一使者作掩門狀筆法
工秀不染塵氣款在左邊上

廣陵張震 張震

對頁紙高闊全上題行書十行印首艸稿

遠山雅澹削玉青近山崔巍張雲屏嶙峋百丈崖壁立下有流水開涼亭亭中陳設多珍寶旁通柴門淨如埽柳絲掩映芙蓉花依欄濃翠鋪芳草深林物外無纖埃十里荷香風徐來曉嶂晴可銷夏綠楊蕊鬱排山隈畫工能知山水勝漫托冰綃寄幽興天機盤礴信有神筆底自與心相應我身謬置香案班睜眼見畫如見山見畫何如見山好好景移來几席間人生隨境須盡樂對此揮灑心安閑 甲辰白露後四日薄海題於棗香書

屋

海
樂部

第二開絹本設色工筆高一尺二寸一分濶一尺四分牆垣一角中隱園林烟月無邊儘多花柳石筍並閣頂高撐綠樹

古緣萃錄

馬士

士

澄蘭室

与蒼松互映溪流澄澈岩石玲瓏門外一人持燈二人擔榼
一人捧槃橋上又一人掌燈捧盒者隨其後夜景朦朧點綴
工緻無款左角下徐玖一印
對幅題行楷書李太白春夜宴桃李園序七行後款二行紙
高濶全印首愛日堂

太白春夜宴桃李園序 甲辰七夕偶書于馬蘭峪之慕恩艸

廬

陳元龍

元龍私印

乾齋

第三開絹本設色山水高一尺二寸二分濶一尺四分峯巒
渾厚林木青蔥一角溪亭上懸飛瀑烟雲動宕泉石清幽殿
宇松間應為古寺筆墨清秀石谷遺型款左上

癸卯夏六月徐玖寫

徐玖之印

綵

對幅紙高濶全大行楷六行七律一首印首竹屋

青樾林深亦有人一渠流水數家分山當日午回峰影艸帶泥
痕過鹿羣蒸茗氣從茅舍出縹絲聲隔竹籬聞行逢賣藥踈來
客不惜相隨入島雲

漂陽史貽直

貽直私印

鈇崖仿書

第四開紙本設色山水高一尺三寸七分闊一尺盈層巒複
疊蹊徑分明羣木蕭疎丹黃叢雜石橋泉溜山閣雲環一人
榮蹇橋頭一肩行李一人憑窗閣上無限詩情兼工帶寫筆
意精能款左邊

九峰玖谷吳嶂

吳嶂漢氏

對幅紙高闊全行楷臨蘭亭序六行後款印首靜海

臨唐摸蘭亭

勸廷儀

勸廷儀印

第五開絹本設色工筆高一尺一寸八分闊一尺五分石洞
深幽山壁奇峭泉垂匹練瀉澗底遂坡下石隙中奔流而出

古緣萃錄

与十一

十三

澄蘭室

洞前平曠如掌細草鋪茵三老者坐石上觀瀑衣巾古雅眉目清疎真仙境也款左角下石間

載東陳枚畫

陳枚字曰之印

對幅紙高闊全行書七律一首六行印首御題春暉堂

白石青厓世界分卷簾孤坐對氤氲林間禪室春深雪潭上龍堂夜半雲落月蒼涼登閣在晚鐘搖蕩隔江聞西山舊是經行

地願漱寒瓶逐領軍

邦彥

陳邦彥南世

第六開絹本設色工筆高一尺三寸三分闊九寸六分溪山平遠柳岸參差幾樹桃花掩映水際三人坐畫舫搖蕩波心曲港平橋蒲芽茁短真江南好風景也無款左角下陳枚之印字曰口口二小印

對幅紙高闊全行楷書永和三日盪輕舟七絕一首以當題後款

桐山張廷玉

張廷玉印 硯齋

第七開紙本水墨山水高一尺三寸三分闊九寸七分層巖對峙枯樹兩行潑起一峯雲嵐遙接古寺山坳茅亭水際澗泉縈繞脩竹迴環一人扶杖尋幽躡躅崖畔款石上

寒山蕭寺

做李成筆意時癸卯冬月

徐玫

徐玫之印 硯齋

對幅絹高闊全行楷書七律一首連款七行印首御賜漱芳

幽境疑從谷口尋大房嵐氣落衣襟軟紅踏處春陰薄暖翠浮

中邨路深迎面柳風初捲旆擔頭花信默關心勒移應笑山靈

近逋客塵容白髮侵壬寅春日夏村道中即日偶賦 梭香

王國炳

王國炳印 梭香居士

古緣萃錄

勾十一

十三

澄蘭室

第八開紙本設色高一尺四寸闊一尺一寸三分柳枝橫斜
四雀集其上鳴啄自得款左邊上

癸卯秋金門畫史張震 張震

對幅紙高闊全大行書四行印首御題春暉堂

昔之三河徙植九畹移根開花建始之殿落實睢陽之園聲含

嶰谷曲抱雲門

陳邦彥

陳邦彥
南世

第九開紙本設色高一尺四寸闊一尺一寸四分平坡弱草
南立小樹兩猫立其上寫生極為靈活款左下

廣陵張震

張震

對幅紙高闊全楷書題七古八行

牙爪居然虎豹族常卧錦茵游華屋主人愛爾愿且馴膏梁之

味為爾祿策勲莫道食無魚安坐日靡方朔肉終日食飽所何
為花茵軟處閑相逐草深曲徑青茸：飛來蜂蝶尋香藪潛身
窺伺足何捷攫拏旋入爾口中梁間夜半燈欲暗鼯鼯羣嘯氣
甚雄耗盡主人飼鶴俸張湯判牒技亦窮不如畫理得三昧筆
端揮灑有生氣烏圓彷彿視眈：得一足矣奚必二踈簾清簟
新涼生梧桐葉底聞絡緯時雍正甲辰孟秋望前二日戲題

桐山張廷玉

廷玉 硯齋

第十開絹本花卉設色工筆高一尺六寸濶一尺一分畫各
色花四種鮮豔奪目中雜細草朱朵飛蝶迴翔此種花俗名
江西蠟絕類菊花夏令始開北方多有之特不知名耳款左
角下

九峰玫谷璋畫

璫漢田氏

對幅紙高濶全行楷七律二首八行款三行印首漱芳

老圃秋容眼乍迷
芊眠雅稱入閒題
空香度處拈花地
紺碧翻時照影雞
一段野情羈旅外
雙飛歸蝶夕陽低
霜附烟甲無窮態
不逐東風作絮泥
何妨門巷可張羅
種得荃蘅一畝多
昨夜紅芳應有粟
侵晨露粉欲生渦
迎秋疎雨香成夢
濯錦空庭月是波
暗惜流年青鏡裏
繞闌容易動商歌
熱河旅舍栽花成
畦爛熳可愛秋
雨中次友人韻二首

淞南王圉炳

國炳之印 磨照

第十一開絹本設色花卉高一尺四寸三分濶一尺一寸三分
沒骨工筆天竺蠟梅賦色妍麗上極一鳥羽翎亦極采綢

款左邊

華亭吳璋寫

聯

漢田氏

對幅絹本高閣全行楷五言詩二首六行款一行印首御題
愛日堂

栗玉圓雕蕾金鐘細著行來泛真蠟國自號小黃香夕吹撩寒
馥晨曦透暖光南枝本同姓喚我作他楊 野竹鑽石生蒼烟
映江島翠色落波深虛聲帶寒草龍吟曾未聽鳳曲吹應好不

覺蒲柳凋貞心常自保

甲辰七月

陳元龍書

元龍號私印齋

第十二開絹本設色花卉高一尺六分濶一尺四分工筆荷
花二朵一紅一綠葉二一舒一卷水草相映一鳥息其上花
葉靈動采色鮮妍為花寫照斷推此種款右角下

華亭吳璋寫

吳璋

對幅紙高濶全大楷書七律一首六行款一行印首一條水

凌波不見襪生塵吹上鵝溪畫絹明騷客魂銷環佩冷女郎歌
斷釣船橫幾稜玉骨依秋水半鏡紅香雜杜蘅三十六陂人靜
後鴛鴦留伴月華清 鵲湖許王猷書

鵲湖許王猷印 字皆君

第十三開紙本設色花卉高七寸四分闊全白花紅豆兩種
紅豆似枸杞枝葉生動設色秀麗無款左角陳桐一小印
對幅紙高濶全行楷書七律一首連款七行印首家承賜書

壽苗磊落映靈芽朱白相參賦葉嘉恰似珊瑚沈鐵網渾如霏
雪積銀華甘為島上僊人杖不入湖西越女家誰把苦茶同藥

種漫勞癯史作詩誇

薄海題

薄輿

第十四開紙本淡設色山水高八寸一分潤六寸八分層岩積雪枯樹餘黃山脚柴門臨水竹篠環樓溪上長橋一人扁舟垂釣雄關高峙遠岫遙明款左上

摹李營邱畫法

時壬寅夏五月張震

張震

對幅帝高濂全行楷五古一首連款七行印首承恩賜御衣

玉山行朗、娉娥沒螺髻豔色比瓊蕤無意埽眉翠欲拊好林

亭一慰碧雲思黃葉覆溪橋青桐繞山寺秋雨憶來時微茫辨

一二惟有琅玕藋風枝頭搶地 仿松雪翁筆意書蕉飲先生

詩

王罔炳

王罔炳

古緣萃錄

与士

六

澄蘭室

第十五開紙本紋扇式高濶七寸四分設色畫樹根作楂形
浮于大波之上。一叟坐其中。上懸葫蘆一枚。于槎尾款。右上

卜齋又筆

柜

對幅紙式全高濶全小楷書賦數聯七行款一行

倬彼星漢自天而垂澹橫河之清淺皎列宿以參差客無楂徒
勞動而事何可濟查非客雖往來而世莫之知信其致人於霄
漢者不必輕舟迅楫之力忘情於夷險者亦無波臣川后之欺

南沙蔣廷錫

蔣廷錫印

綉翰

第十六開紙本扇式高濶全前白描屏障闌干一叟道巾閉
目踞于蒲團之上。凡列兩屏面略染色無款左角下張震

一印

對幅紙式高濶全烏絲直界八行楷書道德經道冲而用之道常無為而無不為兩節後款

仿徐季海書

沈宗敬

筆

高且園指頭畫冊

紙本設色十二開高一尺一寸二分濶一尺七寸八分
第一開江天寬闊島嶼中橫林外高樓山前帆影隔岸山根
臨水當有峭壁懸厓之勢款左下

康熙己丑八月錢塘西上此意彷彿圖之不盡 高其佩

其佩

第二開波濤洶湧一舟掀翻于其際筆勢奔放畫如其景款
左下

康熙己丑八月觀潮于候潮門外彷彿圖之

其佩

指頭
墨

古緣萃錄

馬士

七

澄蘭室

第三開凌虛一臺繞以長闌上立一鸞闌外波瀾壯闊境界奇闊款左下

其佩

高其佩印

第四開六鶴一飛餘或鳴或啄別無點綴款右邊上

其佩

祖高其佩印

第五開坡頭數樹風雨交來一舟泊于草際款左邊上

在嚴州七里灘遇風雨用圖其口口

其佩

指頭齋墨

第六開山坡轉處地勢平曠三獅一全身一露身一露頭上有老松二株款左邊

三思圖

高其佩

高其佩印

第七開畫坡數筆立一老者一童肩挑極簡古款右角下

其佩

筆本藉子
手何籍筆

第八開綠波萬頃鴛鴦泛于浩蕩之中岸上花柳微露其梢
款左邊

其佩

筆墨
之外

第九開巨壁峭立水流湍急岩頭似柳枝下垂數小舟撐篙
其下題款右上

江山何處記難真山色江聲大有神只道是人尋畫理原來却

是畫尋人

其佩

盥
高其
佩印

第十開兩坡交錯草色疎落上躡一虎款右上

其佩

高其
佩印

第十一開雲氣模糊見一龍首款右上

古緣萃錄

馬士

大

澄蘭室

其佩

高其佩印

第十二開巨石矗立四面波瀾石巔有數小樹款石上左邊

高其佩抬頭蘸墨圈括水之石帆

抬頭蘸墨

高且園畫猴冊

瓶麓齋舊藏

紙本設色六開高五寸三分闊六寸九分

第一開綠樹兩株山桃一樹一猴在樹上三猴在石旁無款

印

第二開石旁老樹一株一猴坐枝上後隱一猴微露其面右

角下高其佩印

第三開巖石突兀草木蒙茸一猴懸崖攀上山角一猴微露

無款印

第四開岩崖陡立五猴盤踞其上崖頭藤蘿叢雜有羣蜂飛

來衆猴眈視有神岩邊水繞蘆荻蕭疎無款印

第五開崇岡枯樹灌木青葱兩鵲飛來一猴伏視左角下且

園印
第六開一坡橫處老樹杈杈兩猴遞懸枝上餘多剝蝕無款

印

高司寇拍頭畫世競寶之而不知其筆畫尤妙惜流傳甚少
不易多觀今夏在厥肆偶覩斯筆畫猶猴六小幀雖蠹蝕已
甚而完好處尚覺精神生動尋常所見指墨淋漓者固未足
盡公之精詣也 壬申冬日振甫偶識

此六幀不獨寫生神妙其點綴山林木石皆出入宋元髣
髴白石翁精整之作惜帝本蠹蝕幾盡每一展對為之悵然
不已世之遇名器不知愛惜者律以佛氏果報正當永墮泥
犁 振甫

高且園拍頭畫軸

紙本淡設色高三尺八寸六分濶一尺五寸七分山坡上一
人騎驢坡外一童子携傘岩上老樹僅露其幹右角下毋自
欺齋珍藏題款在左上印首一時游戲

何事野人賢無須羨祖鞭酒風吹路草詩思滿前川 鉄嶺高

其佩指頭生活

其且古之
佩固狂也

王東莊仿黃鶴山樵山水軸

紙本設色高一尺八寸四分闊一尺五寸三分孤峯壁立老
樹紛披坡上茅亭竹木圍繞隔岸石露出一角餘多沙灘蘆葦
筆墨蒼老皴點迷離款右上

戊辰中秋前一日倣山樵筆意於東莊艸堂 龍道人王昱

王昱
之印

初日

王存素仿古山水冊

紙本六開高六寸七分闊一尺
第一開水墨仿大癡筆墨清潤布置鬆秀題左上印首素山

大癡墨法究非知白輩所能夢見

懔

林屋山人

第二開設色仿仲圭林巒茂密溪流空曠漁舟依岸山屋棲岩題左邊

仲圭山居圖 林屋

懔

第三開設色仿河陽兩山對峙溪水潞漫皴擦細密結搗玲瓏秋江待渡意也題右上

元四家出而李郭派微實則河陽老筆不易及也 王懔

第四開青綠仿松雪松雲圍繞二人對話其間題右上印首素山

松雪松陰論古圖 林屋

王懔之印

第五開設色仿六如草堂面水松蔭滿山門外平橋一人扶筇一童抱琴相隨題左邊

仿六如居士 懔

片樸

第六開設色仿思翁賦色滋潤氣息深厚題右上印首橫片

思翁寫大癡富春山圖賦色華滋神韻獨絕 林屋山人悖

王悖
之印
素存

陳世南臨董文敏小楷冊

紙本八開計十六頁每高四寸二分潤二寸三分烏絲直界
四行字不等臨董文敏書自詩並跋又詞二闕

小赤壁詩 吾松山有九皆以海為沼東海既以大赤壁何當

小風穴閼精靈雲門削鬼巧口鼻鬬嶙峋鱗甲呈天矯雖無須

弥觀未可培塿少而我游齊安何曾陵窈窕時平兵氣消霜落

江聲悄迴思平原鶴誰是榆枋鳥恰如黃池會吳楚爭可了將

無山岳靈恥彼里兒狡歸語東陽生扶筇事幽討石言曾莫逆
壁觀共枯槁田成球琳賦屋用辛夷檠太守握紅雲冠被山容
好賦家增激揚輜史正顛倒嘉名公等錫一壑漫余保手寫大
江辭峨嵋雪可埽敢應北山招終事東坡老 吾松有小赤壁
與黃州赤壁大小實相埒不知何事辱之為小因沈徵士繪圖
遂賦此詩為茲山解嘲云 雨中過君策齋頭君策方以吳綃
點綴泉石有張子淵自白岳至携松蘿茶与君策畸墅茶鬥勝
君策呼酒佐之永日無俗子面目君策强余畫為画此圖并書
赤壁詩詩書畫皆索君策和之壬寅夏五董其昌識 沈公緒

欲鑄東坡像於赤壁山房屬余書大江東去詞於石末句及之
然鑄東坡何必赤壁陸家疇墅合著此公與內史相酬也玄宰
又題

癸亥閏月之初五日試六安新茗臨 邦彥

大江東去詞 東坡赤壁懷古 秋水無痕清見底蓼花汀上
西風起一葉小舟烟霧裏蘭棹艤柳條帶雨穿雙鯉 自嘆直
鉤無處使笛聲吹散雲山翠鱸落隻刀紅縷細新酒美醉來獨
枕蓑衣睡 謝無逸漁父

同日秉燭又臨 匏廬

陳邦彥
南世

陳南樓仿古山水冊 瓶麓齋舊藏

紙本水墨十開每高七寸一分闊九寸四分
第一開平坡石突遠岫林森灌木陰濃清溪岸繞扁舟垂釣
孤亭當蹊岩竹叢深水蒲芽短右角下迂庵秘玩左邊儀周
珍藏題款右上

愛向沙頭把釣竿 寫唐人詩意 上元弟子書 書

第二開巖崖壁立草木根蟠匹練直垂奔泉曲繞峯巒遠峙
島嶼中橫草色迷離波痕蕩漾右邊儀周珍藏款左上

石壁流泉 上元弟子 陳書

第三開坡屋臨溪松竹旁植芭蕉屋角楊柳堤邊左角下儀
周珍藏題右上印首補紡又澄觀閣藏印

古人以逸品加於神品之上此誠篤論然逸品殊是難為非胸
中瀟灑無一毫俗氣者不能勉強也 陳書 書

第四開清溪一片蘆荻千重岸角數椽繞以楊柳扁舟一棹
水鳥羣飛左角上儀周珍藏題偏右印首補紡

趙文敏水村圖余曾見三四本皆清潤秀逸及見華亭臨之遂

有出藍之妙 女史陳書 書

第五開兩坡夾水一橋凌波古柏長松新篁弱柳數石磊落
遠岸平橫水閣臨流三人環坐右角下儀周珍藏迂庵秘玩
二印題偏左

元人陸天游筆端饒有逸致故其所作脫去畫家畦迳也 陳

書 陳書

第六開峯巒高下前有清溪山脚蹊迳一條直達村落蘆林
遠岫境地無窮左角下儀周珍藏迂庵秘玩二印題偏左

此作在董巨之間 書 陳書

第七開岡巒密布林木蕭疎溪水平鋪雲峯杳靄山坡老屋面水依山右邊儀周珍藏左角下迂庵秘玩款偏右

此井西老人畫法近世西廬後人擬之頗得神髓也 工元弟

子陳書 陳書

第八開雲峯起伏松蔭參差樓閣凌空一人坐眺山坡路繞上通蘭若叢林密護正練空懸左邊儀周珍藏款右上

擬高尚書雨後山 陳書 陳書

第九開坡陀平曠泉水中流老屋依岩修篁隔岸樹林陰翳澗水淪連左邊儀周珍藏迂庵秘玩澄觀閣藏三印款偏右

林泉幽趣 上元弟子 書

第十開層岩積雪羣木遮山古寺峯坳清溪岸曲遙山數折意境無窮右角下儀周珍藏題左上

丹臺積雪 上元弟子陳書 陳書

古緣萃錄

弓土

三

澄蘭室

南樓老人山水筆意沈著氣韵空靈絕無女史板弱之病蓋
得力于西廬後人為多女史筆墨大半韶秀如老人之蒼勁
六罕見也

陳南樓花果小卷

紙本水墨高五寸六分長七尺二寸九分帝一接畫花果十
二種一蕙二茄三菊四枇杷五水仙六芝七林檎八玉蘭九
荔枝十牡丹十一香椽十二萱筆意蒼勁具有白陽遺意款
在卷前

己酉春三月法白陽山人筆 南樓老人陳書

樓

此卷為季弟所購筆頗老勁六無女史習氣

蔣蘋南花果冊

絹本設色工筆十二開每高五寸四分闊四寸八分
第一開香椽佛手柑右角下季錫蘋南二印

第二開杏花一枝左角下季錫聯珠印

第三開桂花一枝右角季錫印

第四開毛粟三苞左角下蘋南季錫二印

第五開梨一荔支二芋薺二菱一左角下蘋南季錫二印

第六開金橘一枝右角下蘋南印

第七開葡萄紫綠二種藕一節棗三枚右下蘋南印

第八開蕙花二莖無葉右下季錫蘋南二印

第九開桃二枚枝葉護之倒垂右邊季錫蘋南二印

第十開橘二石榴一左角下季錫印

第十一開梔子一花二蕊右角下季錫蘋南二印

第十二開柿二枚折枝一俯一仰百合一款左上

倣家文肅筆意 蔣季錫

季錫

蘋南女史南沙相國女弟畫筆工緻設色豔雅果品尤能畢肖自是家法畫筆流傳亦不多親也

惲南蘭玉洞仙妹軸

絹本工筆設色高二尺七寸五分闊一尺三寸六分千葉紅
白桃花兩株花色豔冶枝葉生動南田家法也右角下鄭學
之真賞題款右上

玉洞仙姝

南蘭女子憚冰

憚清

清於女史南田草衣女寫生妙得家法流傳極少寸鱗片楮
良足寶也

李今生梅鵲軸

綾本水墨高四尺一寸濶一尺四寸五分梅花一株枝幹清
勁上立一鵲顧盼欲噪是庵女史畫得青藤白易遺意桐陰
論畫謂所傳一種骨格蒼老筆意板木者多係贗本此幀蒼
老絕無板木之態也款左上

辛丑季冬海昌女史李因畫

李因
之印

馬江香花卉軸

金箋工筆准鈎設色高二尺四寸六分潤一尺二寸二分柏竹桂各一枝雜花二種石榴折枝一枚蓮房一個鳳仙紅白數朵散落各處鈎勒通逸設色淡冶有宋元遺意此種畫法前明惟包山子有此氣息自南田出一宗北宋沒骨法人爭效之瘦鈎填色一派已成廣陵散矣款左邊

馬荃

江香

張南華枯樹竹石軸

紙本水墨高一尺九寸一分潤七寸六分枯木兩株疎竹數坡石寫法畫中逸品也左角下傳云印題上滿

緣溪老樹寒森玉倚石疎篁瘦著烟莫笑醉顛風致少偶然落筆也翻
癸丑仲春過槎溪漢口留飲倚醉寫此并題一粲

南華鵬翮

南華
散仙

古緣萃錄

弓士

五

澄蘭室

張南華秋林遠岫軸

紙本淡設色高二尺四寸濶一尺四寸三分坡石磊砢兩面
清溪翠竹蒼松丹楓老樹一亭孤峙遠岫層橫山外青山渺
茫無際結構倪迂用筆間有山樵遺意右角下南華散仙太
史氏二印左角下許乃晉印滇生二印題款偏左上

秋林遠岫 翠竹柴門夜月新澄明秋水澹無塵淮南山色連

平楚髣髴風流蘊藉人 畫成并題為澂園館丈先生正 南

華山人張鵬翀

張鵬翀

南華居士

印首玉堂清暇押角豈知乘查天女側二印

金明吉仿古山水屏 瓶麓齋舊藏

紙本十四幅原巨冊改裱屏末頁左角一清籟軒收藏記
第一幀仿荆關設色高一尺六寸八分濶一尺七分巖厓雄

厚樹木青蒼松密層岡雲橫遠岫山房水閣高下參差款左

松壑雲蒸

擬荆關合作

明

金永熙印

第二幀仿北苑水墨高一尺八寸八分濶一尺一寸二分峯巒重疊出阜崇高林木圍環蹊徑幽邃上下略染微青水色天光弥覺林巒深厚款右上

溪山無盡

仿董北苑筆

金永熙印

明

第三幀仿華原設色高一尺八寸六分濶一尺一寸一分崇巒巨壑絕澗危坡岩樹蒙茸山泉趵突蒼松紅樹掩映岑端水閣溪橋參差石畔真力弥滿氣象萬千款右上

溪山秋色

倣范中立

明

第四幀仿瑩邱設色高一尺八寸七分濶一尺一寸五分奇峯競出老樹紛披屋踞山坡亭臨水際蒼松翠柏綠竹黃蘆渲

古緣萃錄

与土

共

澄蘭室

染精工遂令雪滿尺幅款右工

山莊積雪

法李咸熙筆意

永熙
之印 胡

第五幀仿大年設色高一尺五寸七分闊九寸四分溪山清
麗閣榭參差柳岸陰濃蓮塘水漫雲橫遙嶺樹滿層坡一葉
扁舟持篙波上款右工

湖庄清夏

仿趙大年

金永
熙印

第六幀仿大米水墨高一尺五寸七分闊九寸三分雲峰數
疊烟樹幾重溪草淩波軒窗面水濃墨淋漓多勝致款左
上

春林欲雨

擬米

章法

金永
熙印 胡

第七幀仿松雪設色高一尺六寸九分闊一尺七分層巒疊
翠叢木飛紅松柏蒼坡坨渾厚橋通溪岸屋結山坳沈浸

濃郁司農典型款右上

鵲華秋色

臨趙子昂舊本

永熙
之印 胡

第八幀仿房山設色高一尺六寸闊一尺一寸峯頭峻峭雲氣橫遮林木深濃溪泉清澈浮屠天外水榭坡前氣勢沈雄色澤古厚款左上

青山出浴

高念敬筆意

永熙
之印

第九幀仿大癡設色高一尺八寸三分闊一尺一寸二分巖壑深邃雲樹沈濃翠巘丹厓重密布流泉磊石一一分明位置謹嚴氣息深厚款左上

浮嵐暎翠

黃子久意

金永
熙印

第十幀仿雲西水墨高一尺五寸五分闊一尺一寸二分老樹修篁平坡峭壁溪流曲繞烟靄空浮款左上

古緣萃錄

与士

芑

澄蘭室

竹樹寒煙 倣曹知白小景

金永
熙印 吉明

第十一幀仿仲圭水墨高一尺八寸三分濶一尺一寸五分
一峯高矗衆壑環迴墨點高低林陰踈密山徑繚曲水閣清
幽點綴精能布置周密款左上

危峰挺秀 學仲圭法

金永
熙印 吉明

第十二幀仿大癡設色高一尺五寸三分濶九寸三分峯標
雲外樹滿岩端峭壁流丹危崖疊翠清溪一曲蒼蘚千重筆
力堅凝墨采浮動款左上

良常山色 再仿大癡筆

金永
熙印

第十三幀仿荆明設色高一尺七寸九分濶一尺一寸四分
層巒密布絕壑深藏蘂樹長松迷茫巖際山坡屋宇林下茅
亭三人坐亭間清話通幅水墨惟亭舍人物畧染青絳与麓
臺冊内仿山樵一幀相似款偏右

臨泉清集 對臨王杅明

明吉

杅明有林泉清集圖見司農仿山樵長卷跋語中司農畫冊中則題林前清集此幀又題臨泉清集未知孰是也
第十四幀仿雲林水墨高一尺五寸闊九寸四分林亭蕭瑟巖岫清疎筆意空靈氣息淡雅款偏右印首篆竹漪：

清塘秋思 仿倪元鎮筆 時雍正元年八月望前二日畫于

清籟軒 吳下金永熙

金永熙印 明吉

清籟軒當是王公巨卿之園亭當日必以重聘延至其中畫此十四幀故幅：精到無一率意之筆上生平精詣所萃也
明吉為麓臺司農高足用筆布墨點染渲烘確有師承仿古名作沈著濃厚工力悉敵未達一間者只氣韻稍欠冲和耳
李穀齋書畫冊

紙本書三開畫六開每高七寸一分闊七寸三分
前三頁臨衛公上西嶽書三十行字不等後有跋

古緣萃錄

与土

共

澄蘭室

香泉先生云衛公上西嶽大王書与太宗同一筆法亦手勢遞變自然相似直接晉人血脈而開宋元門庭豈可忽乎 李世

倬臨

世天

後三頁臨董文敏書詩並跋行草十四行後有跋又臨王文安書四行後跋頁末深易齋一印

觀文敏晚年用筆益近素米於此而更見二家之難到也 星

崖

一字漢章

王文安作書意追羲獻亦自逸曠其評元宰小楷有晉遺意草行大書予不敢議矣又云趙厚董薄趙大董隘求其自闢局勢鴻濛肇胎落地結為五嶽自成生面豈易得哉文安自命似亦

不凡矣 天濤氏倬

倬世

畫一開水墨寫意桃花雀子左邊題

未得紙性之燥濕遂而著筆聊以效之冕 篆園

倬世

畫二開水墨芙蓉野鷺右題

江南野雞數種小者僅如鵲文彩則駕於鴛鴦於秋水清澈之際視之尤著也偶憶而寫之 筠品

倬

畫三開蘿蔔二種扁豆蓮房藕梨大蒜右上題印首仰齋

古有畫九秋圖者此其餘意焉

燕南居士

李倬世

畫四開木瓜香椽佛手柑右上題左角下不以玉帛為礼印

學沈長洲寫意

筠齋

子星厓

畫五開一漁父蓑笠赤脚携竿具筠筐左邊題印首燕南

唐陸龜望先生有江湖散人之號後之畫漁人者多用其語蓋因有詩卷酒杯杖屨釣具之謂也然高蹈者異致而同趣豈惟漁者然耶繪此而偶及之

天濤 倬 獻

畫六開老松二株一叟背倚幹立一童立兩松間左邊石上題左角下張氏雨颿鑒賞印

世倬

倬

李穀齋山水人物畫冊

紙本設色十二開每高八寸闊八寸三分第一開洞壑幽深松藤盤繞一老者跌坐洞口一童子携筠

籃屨藥歸來坡下波濤汗泮洞心駭目
第二開平坡一帶澗水濛洄遠近松樹參差畫十鹿四鶴鹿
或行或伏或鬻或鳴鶴二栖松上二飛來坡上三老攜一童
衣巾綺麗類俗傳所謂三星也

第三開坡間柏樹下一仙女據案撫琴後立侍女携一拂案
設爐瓶香盒一隊童男女九各持花豆靈芝柏枝及稻梁黍
稷一種來獻以外烟雲中露閣頂華表未詳何說

第四開溪岸環繞樹外畫三羊當是一牝一牡一小羊踞前
足而乳雲間初日方昇蓋開泰意也

第五開坡勢平遠兩石厓對峙澗泉如帶繞之樹石高低青
翠欲滴間有芝草叢生當是仙境

第六開波瀾宏濶海上峯青一老者坐松下石上後立一猴
持杖杖頭懸一經卷極奇

第七開細草鋪茵上立一象一老人袖手立一童侍旁捧一
瓶工繪一日是謂太平有象

第八開雲互林巒溪流曲折有三叟坐坡前松下一叟腰縛
葫蘆手拈一物未解其意

第九開屋角梧桐石邊竹篠一叟坐椅上啖桃兩小兒一蹲

地守六槐手舉一一小兒遞一桃得九數蓋壽意也
第十開山石突兀草木丹黃坡上卧一豹上有孤松二鵲飛
集報喜之意
第十一開柳一株旁列花樹芳草沿坡畫二馬一赭一青嚙
飲自汚無羈紲之苦
第十二開柳岸風多一溪水漫一舟挂帆衝波自是一帆風
順矣款左邊

己丑春分後一日

李世倬

世倬齋

李穀齋仿倪高士山水軸

紙本水墨高二尺九寸一分濶一尺二寸七分長松枯樹遠
岫橫岡疎竹茅亭筆墨淡雅左角下十石居士印顯右上印
首耶假以朋烟侶霞

倪高士襟期瀟灑落筆清貞為元一人迄今無二未見能有效

之者蓋緣絕俗故也唐宋諸名家多崇綵績以故不如不畫大
幅惟徐耕漁有二帝宋大中丞撫吳百口以厚誼僅得其一余
臨其真二十餘軸稍可自信者此耳 上元丁卯李世倬呵凍

作之

倬世
齋穀

卷之三

一

二

三

四

五

六

七

八

九

澄蘭室古緣萃錄卷十二

古虞邵松年輯

國朝

張天瓶書先儒語錄卷

瓶麓齋舊藏

紙本洒金行楷書高七寸三分長二丈二尺帝十三接烏絲
直界都三百十九行前書陳南塘夙興夜寐箴張子語錄十
六則其餘四十餘則尾空九行筆意圓秀勁挺香光之意為
多先生是年三十有五正是懸腕學書熟極而流候也未款
二行前有惕甫借觀印後有王鈇夫閱過漚波舫墨緣楞伽
山房菴林審定四印

雍正乙巳八月張照敬錄于京邸既醉軒

張得天得

張文敏髫年書法即稱重菴林嘗見其十五歲時手寫老圃
雜錄兩冊筆法專師歐易信本瘦硬通神已足名家弱冠後

古緣萃錄

易士

一

澄蘭室

由歐入顏純而後肆於晉唐諸大家無不溯流窮源深窺堂
奧故能方駕趙董自成一家面目此卷係公中年妙蹟行楷
數千字用筆無注不留無垂不縮汚顏米之神而化其迹真
有方圓自我結構遺名之妙所書皆先儒語錄視公它書尤
為可寶 辛未五月楊慶麟獲觀敬識
辛未五月友人持此卷索跋後借留旬餘日一展對愛玩
不忍釋手既歸物主越四月忽過諸廠肆索值雖昂傾囊酬
之不稍靳六翰墨緣中一大快事也九月二十五日振甫識
於如瓶室之北窗

張天瓶小楷詩卷

紙本高六寸七分長二尺九寸紙一接楷書三十六行字不
等計七律四首七古一首書法方整緊密在歐顏之閒後款

玉虹堂試墨

涇南張照

張照得
私印

昔年得此卷於都門廠肆楷法道斂整肅合顏歐為一手此
正文敏本家書也庚午長夏試畢旋署檢閱所藏各卷冊以

此卷出示諸友曰并識之 振甫

張天瓶臨蘇長公養生論卷

紙本高七寸四分長九尺二寸八分帝三接筵寸大行楷臨東坡書嵇疔夜養生論七十三行跋九行書法疏宕筆意沈酣入後間雜米意卷前下角車氏珍藏飛鴻堂家藏印後尾餘紙八寸無款有張照之印得天二印下角小洞庭一印本朝畫山水以麓臺司農為第一書法則首推張文敏生平遇兩公書畫度力所能致者必購致之歷年既久所聚漸多因檢舊所得者与伯英分藏之將來傳示後人又是一重翰墨因緣也 光緒元年重陽前四日振甫麟識外舅潯司農仿元四家長卷後以仿北苑卷見昇潯司寇書先儒語錄長卷復將此卷与小楷詩卷命与麓臺卷並藏之余故有小瓶麓齋之額盖以此焉

張天瓶書祭儀卷

紙本高七寸四分長一丈六尺三寸紙二接烏絲直界小行楷都三百九十二行中空一行後跋十五行又空一行餘帑六寸起首敘次家祭禮儀又次晨謁儀出入告儀有事告儀朔望參儀俗節享儀忌日享儀生辰享儀又次義莊祠堂發米日祭儀冬至祭始祖立春祭先祖儀重陽祭禰儀墓祭儀祭五祀儀又次祝文各式儀節俱以硃圈誌句每行約廿餘字統計不下萬餘言書法雖非經意而無一筆苟卷前有亳州何氏珍藏慎餘堂書畫記鉄嶺瑛榮平生真賞三印後跋余與正誼交好十有五年正誼口不絕吟手不停披著述成帙者盡付之梓無不家言戶誦此藁索予書与正誼同酌定隨酌隨書兩人既各有事不能齊一此卷至初十日始成初擬作佳書後事忙疾書僅能不悞十二寄呈之約所書既不足觀故印圖呈上印圖畢乃接手書有時祭祝贊儀注与所定互有詳略

大段卷內為詳唯參神亦擊鐘七聲似可刪迎送用鐘足矣參神本可不用鐘也如此則無与磬相混之嫌此卷望令人寫出一通將意所欲改處即動筆改正發看容再復命然後付梓此大事不厭其詳且今冬明春付梓似亦無碍前後不下二萬言欲不相矛盾甚難且不敢自信書此以報前諾看去尚未知其應改何處而已 雍正戊申嘉平望後三日書 張照并識

張照得
私印 天

右張文敏手書祭儀凡七千餘字觀其自識在雍正戊申臘月云欲令人寫出一通再動筆改正則此猶是未定之初藁耳今為頤園光祿所藏裝潢為軸出以見示曰題其後丙辰春仲翁方綱

題簽隸書六韋溪先生書

張天瓶書易說卷

紙本高六寸七分長四尺一寸三分帝一接烏絲直界小行楷一百七行又題識四行書法圓勁精細六沈實亦空靈當極得意之作易說八段甚長今并錄之恐無梓本在世也

易說

張照

易之言皆言仁也仁體事而無不在猶天體物而不可遺然而無定在也在乎禮之中故隨時變易以從之乃有六十四卦三百八十四爻六十四卦八卦也八卦乾坤也坤又乾也六十四卦之為八卦固已八卦之為乾坤者何八卦之畫皆乾畫坤畫

也坤畫非乾而曰坤又乾者何坤之畫乃夾畫一乾畫其用正
在斷處是故乾坤同有四德焉義與智所以行禮而禮皆仁也
利且貞所以致亨而所亨者元故一則曰乾元再則曰坤元六
十四卦三百八十四爻皆所以求其協於乾元也故曰易之為
書求仁而已矣

易以變者為占故用九六不用七八先儒之論當矣顧止乾坤
有而他卦無朱子謂百九十二陽爻陰爻之通例說猶未竟其
緒後學未瑩焉蓋乾坤之名三畫既成而始有而乾坤之義一
陰一陽已具之故曰乾陽物也坤陰物也又曰一陰一陽之謂

道六子者乾坤所為震之初乾也其中上坤也餘五子可類推
故曰乾坤其易之門耶又曰乾坤毀則无以見易夫積陰爻陽
爻三則為正卦八積陰爻陽爻六則為別卦六十又四若止就
一爻言之則陽老而九皆乾變坤也陰老而六皆坤變乾也如
占遇屯卦初而七與則屯初也初而九與則九雖屬屯初而用
不殊於乾也何也陽本乾也二而八與則屯二也二而六與則
六雖屬屯二而用不殊於坤也何也陰本坤也然則乾坤有之
則他卦已不無毋容重繫之辭也至於乾坤六爻皆變用此為
占辭者乾初至上無陰坤初至上無陽六如一焉故即用之他

卦不同例非他卦六爻皆變不備繫之辭易於二爻變即無辭不容及於六爻變也三百八十四爻非陰即陽非用九即用六以無首者首之以大終者終之吾道一以貫之矣蓋二用者易之大義也

三百八十四爻之皆以乾坤二用也三陰三陽二陽四陰二陰四陽諸卦從各卦之所之理蹟而難具陳若五陽一陰五陰一陽之卦其得之乾坤本爻者顯而易言可舉一隅也夫陽善陰惡其大較耳若細推之陰陽各有善不善陰之善者從乎陽者也其不善者敵乎陽者也陽之善者行乎陰者也其不善者

化乎陰者也无首陽之善也永貞陰之善也乾初九之乎姤言其不善則為羸豕之戒言其善則為龍德之潛一言人心之危一言道心之微也若以乾初易坤初即坤初六之卦也復也修身无咎祇悔猶潛龍也辨之早者也若以坤初易乾初仍姤也履霜之戒猶羸豕也九二之乎同人言其善則為于野之亨言其不善則為于宗之吝于野在田也于宗見大人之反也若以乾二易坤二即坤六二之卦也師也師之丈人即九二大人也具直方大之德者也非乾九二之君德不足為師之丈人非坤六二之純臣亦不可為師之丈人也若以坤二易乾二仍同人

也同人于野而能亨即不習无不利也德不孤也九三之乎履
言其善則為終日乾々夕惕若履乎禮也言其不善則為履虎
尾咥人凶不履乎禮也若以乾三易坤三即坤六三之卦也謙
也勞謙君子即終日乾々夕惕若之君子也有終吉即无成有
終也若以坤三易乾三仍履也眇視跛履咥人之凶含章可貞
之反也武人為於大君從王事之反也九四之乎小畜密雲不
雨龍在淵也非不能雨无成也永貞也從乾言之或之者疑之
疑則无咎從坤言之有孚血去惕出則无咎臣道備矣孔子於
九四言非為邪於六四言上合志炯戒申大義明矣若以乾四

易坤四即坤六四之卦也豫也唯上下無常而不為邪進退無
恆而不離羣故有孚于君上而天下由己以豫其括囊者其大
有得也乾言疑之豫言勿疑其相反者其相成也即所為血去
惕出也若以坤四易乾四仍小畜也非括囊不能有孚非能使
譽咎兩无不能血去惕出也九五之乎大有飛龍在天而尚賢
則大有元亨矣若以乾五易坤五即坤六五之之卦也於臣尚
賢於民顯比君道備矣所為飛龍也若以坤五易乾五仍大有
也黃而為裳狀尚賢之心也上九之乎夬言乎陽則亢言乎陰
則決若以乾上易坤上即坤上六之之卦也剝也以坤上易乾

上仍為夬亢龍也龍戰也菟陸也碩果也皆言陰陽消長之大義先儒之所已詳也

說卦傳曰參天兩地而倚數參天一三五也兩地二四也五如行之土如性之信故一得五則六也二得五則七也三得五則八也四得五則九也十為二五究即為一無位故易之占七八九六而其本在一三五二四一三五則九矣天之數也二四則六矣地之數也用九用六而不用七八此也然則九即乾矣六即坤矣六十四卦雖不皆有乾坤然而言九即乾矣言六即坤矣理數相倚如此

乾坤之道以中為貴人心之用以中為極坎離為乾坤之中故坎日離月萬物生焉坎實離虛萬理備焉天地之心在日月人心之用坎離坎者坤得乾之剛中也剝中誠也離者乾得坤之柔中也柔中明也誠者誠身如月之不盈焉明者明善如日之繼明焉坎陷也一陽陷于二陰之間中實也中實故誠上下皆陰故險人之生也日在險中惟誠身則無險凡險皆誠身之資也是故一曰求小得小者皆得則無所為大也一曰中未大雖反身而誠矣而求小得不已蓋中大即盈而入於險故無所為小也坎誠身也人之明德本明而亦莫不有時而昏欲昏者

復明必資於文文明則心明心明則德明離麗也二陽麗於一陰之上下中虛也中虛則明物相雜則成文善也者含於心之明麗於物之文者也故明不可以須臾息而文不可以須臾離也離明善也

乾初坤初交易成震巽震動也一陽在二陰之下陰積於上陽伏於下則奮出而為雷雷天之生氣也震戒慎恐懼也戒慎恐懼人之生理也一陽潛藏道心惟微仁遠乎哉欲之斯至震之象也巽入也二陽居一陰之上陰伏於內陽必入而散之則周旋不舍而為風于人為思風善入思亦善入驅浮雲散積陰者

風察幾微窮隱伏者思一陰萌生人心惟危除惡務盡思則得之巽之象也

乾三坤三交易成艮兌艮止也一陽止于二陰之上陽極於上而止也陽動而能止則動亦靜也知止則靜其動也有靜者存有靜者存動乃不窮所為主靜也從其大體以致其中艮之德也兌說也二陽決一陰于上如草木之華滋焉如膚革之充盈焉皆陽實於內而陰說於外也說情也情動於中物誘於外不能反躬天理滅矣來兌物交我也引兌我化物也惟誨學習教惟道義之是說而耳目口體之欲非所欲斯發而中節焉不從

其小體以致其和兌之德也

坤六二不習本義曰不得學習也意未瑩焉孔子曰學而時習之子貢曰夫子焉不學人特學而不至於聖焉有聖而不由學者敬以直內義以方外正言學也此所謂習以事言以人言非習其所學之謂物理固有不容豫習者使絕域臨戰陣之類是也語曰言忠信行篤敬雖蠻貊之邦行矣文言曰敬義立而德不孤直方大不習元不利則不疑於其所行也正相發明蠻貊之邦不能習而後往惟德不孤乃不習而可行也坤二而六之乎師師九二所謂丈人吉者也夫師以毒天下無習之之道春

蒐夏苗秋獮冬狩以講武事終與真有強敵在前者異矣乃孔子曰軍旅未學又曰我戰則克且逐禽可習文人責在發縱指示不可習也其在師中吉者直方大也

丁未歲小厓先生同居京師三餘講易輒書所見就正壬子重

九前五日小厓出舊卷命識其歲月 照又書

張照

先子有學易便是求仁之語愚不肖親承之而未能叩其詳析其趣也公蓋不謀而合天人之微津乎盡於此矣以為易說可以為仁說可易知簡能其斯為乾坤之蘊乎八法之神妙不待言也因乞而藏之 壬子三秋成天跋

荷鋏草堂

右易解數條余同年友張公涇南之所自著而手書之者也小厓先生寶之屬余題其後初閱之似參錯離奇細翫之祇不易變易二義耳居安而樂玩焉皆寡過之方也有問焉曰說易者固貴引伸觸類如此余對曰固然且須服行壬子秋

九月九日浚七日漳浦蔡世遠書

世遠之印

易準天地爻指其端一理貫散著萬事焉九六以辭剝柔相
朋顯仁藏用方類羣分君子學之居辟通占昔曾參謝捫燭
扣槃天瓶研索瑩然無疑文如雲卷書若龍馳虎頭神妙心
同理同相視而笑莫逆於中茲我蒙蔽啓我真詮剪燈夜讀
明月在天灌蔬周荈

杯

善易不言易穿鑿非所貴自非大聖人疇能探斯秘一元互
終始惟仁為祖鼻乾坤生六子餘各汲其類偶畫根于奇散
殊固一致錯綜變化中大道本簡易理數不相離移影便易
地萬象自貫通聚訟難附會無極而太極混沌不終悶縱橫
千萬言挂一或漏義試問畫前人觀察豈夢寐四聖心印符
軌轍隨所稅龍蠖齊屈信風雷若咳噓物：自為易性兮豈
臆計先天弗達無意思合趨避後天奉天時有覺資擬議要
其天人合神明絕私意潔淨入幽渺廣大極造詣參兩人所
能旋斡才必昇吾心神無方君子道有四至易惟至誠不息
由不貳易詩相表裏比興豈容泥一以聲相通一以形相似
不易無不通無邪無不寄書即其象爻禮即其制器樂以鳴
泰交中和格祖帝正變宣妙音元化代啓開迹熄詩遂亡詩

亡樂上癡散石萬籟間蟲鳥鳴先氣元黃龍戰野春秋起義
例有如大兵刑違律誅凶悖六經一以貫天心藉維世要在
樞機慎務俾貴賤位苟索語言跡終恐意見蔽卓哉蔡公旨
服行信可佩庶幾驗身心或可免吝悔隨遇盡彝倫俯仰期
弗愧陰陽不遺鉅動靜不遺細體方不能移用圓不能滯剛
柔有相應水火必既濟不息健行中不離日用際須臾如可
離糟粕何以異臭腐亦神奇色相非精粹幾者動之微吉凶
互明晦其妙在時中其功在惕厲无妄恆隨謙中孚節渙萃
舉隅協一端全體罔不備但求一陽復勿使羣陰比困蹇与
屯蒙攸注无不利筆舌落言詮主靜乃真諦 武陵夫子命

受業承點謹識

點承所

小厓先生精易理聞說深微造五子當其居恆誦習時鴻名
已貫公卿耳 先帝乘龍上碧天攀髯淚溢鼎湖水 主孝
臣忠鑒血誠金門待詔蒲輪起一朝特達致青雲稽古光榮
罕所擬先生道力堅且毅不与俗學同咸喜惕若悔吝惟安
貞坎艮隨時得行止曰思授受必有源或者師承孔與李及
讀吳公墓誌文趨庭遺訓如及鯉尊人參軍本宿儒通經邃
易挾精髓洛浦萬編行象成云与衍範相表裏祝融取供白

玉樓造物忌洩乾坤旨此書不共焦京傳神契今有清河氏
張公易說具夙根錯綜參伍中肯綮不謀而合心印符學易
求仁得真指書贈武陵什襲珍如見先澤心不死願余蠡測
如望洋天涵地蓋失涯涘我聞積厚其流光傳林道學炳青
史武陵家學知音稀張公同調叶宮徵折衷 聖學方昌明
儒宗行屬諸公矣 靜海勵宗萬題

勵宗

夫益

聖學方昌明

洞觀大始睢盱未判周易既興如晦斯旦理奇而法道一以
貫行地用流經天乃煥厥有精蘊乾坤其門卦爻重列惟變
所存曰摩曰盪匪糾匪繫三百六十畢統于元程朱既往斯
旨莫揭粵在清河神契心決探天之根搜月之窟參伍錯綜
妙解是闢誰其寶之野王顧君淵源有自敬述參軍庭訓在
耳讀易求仁兩賢契合觸類引伸我聞易教潔淨精微參天
兩地觀象玩辭匪靈勿瑩匪睿勿思京焦梁孟穿鑿支離受
讀茲編獨參奧義總厥大綱為旨有二一抉其原一充其類
樂而翫之能知簡易 長洲彭君豐題

豐庭

雍正甲寅十月同年友小厓先生請假歸里而以司寇張公
所著易說屬余跋其後余曰易之為書也廣大悉備靡弗囊
括而於人事之進退尤深切著明焉坤之六三曰含章可貞

或從王事无成有終小屋伏處巖谷年六十餘矣聖天子
賁弓旌招之備位禁廷非苟且以就功名者殆含章而從

王事乎既數年矣懼其衰而弗克報稱也遂乞假以歸是又
所謂无成有終者夫元之為言也知進而不知退悔斯至焉

小屋之進退流行坎止幾於易矣遂書以識別錢唐弟周
衢

濟南李
子衢

一卷韋編語千秋口口林商量剝復際斟酌孔顏心我道介
如石蘭言利斷金不須重問口朝右有知音謂司寇注聖

代方招隱青門獨送君海濱一區宅魏闕萬重雲梁紫能相
敬童烏好論文與令孫鬚年英歸與時方待行與慎眠食兩雪正紛五

載王家傳飄然許遂初不因多疾病那便憶樵漁采里勤
收茅文園罷著書報思身健在早晚赴徵車今夕一

尊別故園情話長弟兄俱老大生計各荒涼南浦風濤闊東
皋薺麥香憑君談易理細為定行藏小厓年先生治行有

日以句寇張公易說一卷索跋目拈四律請心余非能知易
者聊當白駒之義云尔汚浦年弟曹一士增

六十四卦日用飲食間事尔推之高鑿之深離天於人易不
可見矣近代安溪先生尤長於易觀此卷所論与折中略相

發明信淵源有自也愚亦嘗妄為之說曰知進退存亡而不失其正此語之以蔽易雖然知之難不失其正尤難思以終始其要无咎其庶幾乎小厓先生既夙承庭訓又與梁村先生同職業与涇南先生同邸舍所講切者深矣異時得相從泖淞間當更完論之

海虞同年弟陶正靖書

韋晚

程明道讀論語謂句句皆切已此讀書真種子也古今治易家最夥而務于窮高極遠不近求之身心恐未免見譏前哲聖祖仁皇帝御纂周易折中頒示來學功在萬世涇南張司寇時居史館供奉

內廷躬沐

聖教如皋陶為放勳見知

之臣故道其所符皆切已篤論非欲与古人爭皋比也小厓顧太史見而珍之殆即所謂聞而知之者乎昌黎云莫為之前雖美弗彰莫為之後雖盛弗傳吾於兩君子治易知有美

之必合云

榆山學弟凌如渙

吳如山

願太史小厓先生与余論交二十餘年高才績學負海內重

望

上初御極受特達之知誦學

內廷置身

禁近

恩

眷優渥甲寅冬給假歸里把晤之餘出大司寇涇南張公易

說見示反覆披誦乾坤六子之義詳且備矣蓋先生幼承庭

訓衍範一編身體力行匪朝伊夕今觀其出處進退一本坎

止流行之機消息盈虛因時順應殆學易而神明於用者非徒觀象玩辭作京焦箋注已也 雍正乙卯長夏同學晚生

王俊臣拜題

王印地雪

曾聞易象包天地奇偶陰陽數自殊識得義文畫卦意不煩

箋註更紛拏

學易何分先後天一編行範溯家傳浮雲舒

卷情何繫坎止流行得自然

乙卯長夏拙句題奉小厓老

先生教正

淞濱晚學棘人曹培廉拜手

曹培廉印

丁巳春以編校之命与小厓先生共事累月暇輒與辨究經

義因出生平所論著及過庭時所錄為易語者見示既又以

所藏涇南張公易說一卷出而共讀之噫先生之淵源於家

學而講習於朋友者可謂勤且至矣易語喫緊為人言近旨

遠易說則觀象玩辭補儒先所未逮而其要皆歸本於求仁

盖易於理無不包仁於善無不統乾坤皆備四德而唯以元

贊之聖人情見乎詞矣述作之意豈不同條共貫哉先生湛

深經術方以舊學佐 聖天子興道致治而又好學深思老

而弥篤且推其所以解力行者樂與同志共之其真得學易

求仁之義也夫

燕平同學弟陳浩

陳浩印

易理本無極誰能溯其源淺者雜纖緯高者涉虛玄漢晉多

文士穿鑿徒紛宣蠡豈容測海管豈識窺天悠：百世下乃
有希夷仙華山謝塵囂高枕契微詮穆修李之才頗六衍薪
傳周邵二程起解悟突過前通書太極圖易傳經世篇蓮花
清出水桐影淡移川庭草自交翠風月本無邊建安挺朱子
松柏雪霜堅敬義兩夾持啓蒙起蹄筌鼓鐘振聾聵大義乃
不涇我朝李文貞理學宗儒先及門最高足司寇今南軒
居安而樂玩突奧窮鑽研會心文象表易說工搜鑄東浦老
成彥傳家在韋編學易是求仁先人有遺言夢茲八條目昭
合無間然乞歸篋笥中珍惜如璵璠攜之已六載行任常周
旋我昨同承明讐校經寒暄誇耀示廣座出諸衣衷間譬大
齊木難神采弥新鮮觀者盡目眩心慕口涎涎萬本摹不到
萬遍讀未完豈凌矜墨妙直是探本原萬物有資始大哉實
唯乾萬物有資生至哉實推坤乾坤互變化一畫斷與連三
百八十四搖以協於元春為四時首仁乃育物根當今天
子聖政令切施仁愛養務休息春臺登萬民二公遭際盛體
此贊洪鈞太和長保合風俗日以瀉乃知河洛秘元氣所細
繡義文周孔意千古至今申金壇同學弟于枋題樹
蜀才侯果競言詮麟角牛毛自昔然一日閒窓參了義元珠

的樂出行間 筆刊叢說無枝葉言契同心似芝蘭誰抱遺
經完終始 聖明舊學是甘盤 筠溪後學張若木

張若木印

析易雖非龍亦能致雲雨其色隨時變神明乎規矩天象聖
人則所以萬物觀撫卷發長吁時哉夢尼父 仁和黃樹穀

敬題於廣仁義塾

溪西

大易三才蘊誰開萬古蒙先生探妙奧衍範有家風自是淵

源在兼資砥礪功素心疑義析經學盛婁東

東浦三江秀

荒村一草堂諸生遭特達舊學拜恩光

帝心需賢佐公無

念故鄉

之先生

館後學于敏中拜題

敏中

東浦草堂暇時

張文敏公

易說載道之文後跋詩文十六則皆非率意之

敏中

作故全錄余六條一跋云其書則鐵畫銀鈎其文則金泥玉

檢挾乾坤之秘奧闡性理之精微勿作等閒書畫觀尚有徐

康錄跋中諸公里居科第官階等攷不具錄

聖祖聰明天亶學貫人天知大學士李光地精通易理 命纂

周易折中一書上秉宸斷頒示天下垂法萬世當時儒臣

耆宿咸於易學講明切究一時名臣名儒盡出其中誠盛事

也小屋先生以諸生於雍正初被徵入都備位 禁廷猶

見六十年貽謀遠大讀諸公詩跋或曰主孝臣忠或曰帝需賢佐言皆紀實非等揄揚迄今展玩遺編想見君臣契合稽古光榮真千載一時之遇焉

張天瓶雜錄各種冊

瓶麓齋舊藏

紙本計四冊

第一冊十四開半計廿九頁每高五寸八分闊二寸七分五行字不等行楷錄花信並栽種雜事末有臣張照得天二印
第二冊廿二開計四十四頁每高五寸九分闊二寸九分五行印直行格字不等行楷錄服膺錄皆先儒格言共三十三條末有臣張照心正筆正二印
第三冊十七開計三十四頁每高五寸七分闊二寸七分六行字不等行楷書多能鄙事輕身大力各法二十四條共九開又八開書玉人兒詞十首末有心正筆正印前九開後有跋

右諸法予於羗署閒隙看惺齋多能集偶摘數條錄以備用時

癸未冬大寒日也

豐樂主人識

張照私印

第四冊十一開計廿二頁每高五寸八分濶二寸八分六行
字不等前五開有印直格行楷書經典四則後六開書經末
記一行

以上出大藏經擬字函佛化孫陀羅難陀入道經

張照私印 天得

辛未五月望前二日偶於殿肆得此四冊審係文敏少年時
所書筆法純師率更格韻清勁已自成家曾見文敏初得館
選時手書四書全冊筆意与此正同石鼓硯齋主人識
按癸未公年十三歲書法勁挺乃尔宜後來成家也當時書
家如王良常蔣拙存皆師率更此四冊中用筆有与拙老人
絕相似者亦足見一時之效法也雖然謂此為公少年書無
疑至癸未一跋未敢遽定云恐另有豐樂主人者錄此冊而
公轉抄之耳曰羗署一語尚未有徵

張天瓶楷書金剛經冊

瓶麓齋舊藏

紙本五十四開計一百八頁每頁高五寸七分濶二寸九分
烏絲直界五行、十二字前四開淨口業真言等下角有大
雅結廬天竺之西二印五開後寫經下角有松月夜窗虛印
末頁下角有富貴董氏收藏書畫印書法工整秀嫩筆、虛
和已得香光三昧此正懸臂作書悠然有會時也未款三行

康熙己丑五月五日 賜同進士出身翰林院庶吉士張照敬

書

名余張氏
曰照得天

此張文敏少年時書沈靜秀逸筆法已自不凡宜其希踪趙
董為一代書豪也近又得公臨蘭亭一冊用筆細筋入骨如
有鉄線縈繞毫端案頭有此兩冊日一展玩誠如董思翁跋
靈飛經所謂宴人解衣珠矣同治辛未上巳後二日燈下展
閱偶識 振甫

張天瓶精楷冊

瓶麓齋舊藏

古緣萃錄

馬十二

五

澄蘭室

絹本十二開計廿四頁每高五寸四分濶三寸五分之烏絲方格七行：十字第一篇廿七行後低一字書右錄沈括筆談第二篇五十六行後低一字書右錄李孝先游靈峯洞記第三篇四十五行後低一字書右錄暮入靈巖記第四篇三十四行後低一字書右錄八大龍湫記書法結構謹嚴筆力圓健歐趙之遺末款

得天張照謹書

張照

得

張文敏此冊書法特端嚴入時初看疑非公真蹟細玩其結構精嚴運筆圓勁處則廬山真面目具在箇中文敏書初師信本弱冠之由歐入顏此書殆其時也 振甫識

張天瓶自書詩稿冊

紙本粉箋七開又半計十五頁每高四寸六分濶二寸五分之六行字不等小行楷虛和婉妙直逼香光

題畫梅

吾家小池南萬枝半低亞
隼鳥睡晴旦影落春水下

十年帝城夢歸路空香近分無越客贈任向羌笛謝今朝洗塵
眼淺笑相逢乍瓊葉仙眉長靈風吹不化懷彼三竺間有鶴怨
清夜樹底獨醒人香雪為重榭

九日隄清招飲 夕秀感秋士招邀同酒杯山空人旅語天淡

月裴回時節對衰艸邊關聽梅羈心憺焉薄頭上雁聲來

落

又次郭于宮韵二首 九日風光蕩酒懷霜文翠照雁行排柳

生三弄中郎笛

聽于宮吹
笛故云

菊得隄清學士齋共笑炭人同白草

自嫌冰子亦青緇吾生濡首唯詩律死作零陵玉琯埋 聽水

霓裳返月宮維摩居士法音窮樓前梵宇誰能譜座上松枝孰

繼風千古斯人文采在今宵閑話酒尊同杜郎醉把茱萸意耿

青霄沒彩虹

是夕談洪生度曲事因悼谷蘭主人也

秋雨次汪杜林韵 塞雲滿眼白迷迷五載吟身記漫題入室

嵐侵涼後簟到窗聲雜曉來雞蝶銷金粉無端麗柳換濃眉慣

見低獨把秋英綠底事秋英不上馬蹄泥 難將滴數問醯羅

石髮垣衣積漸多廢綠有聲妨鳥夢薦香小泣憶梨渦淒其風

莫飄橫笛孤迴心宜卷白波蓮葉東西漁艇子誰欵笠釣激雲

歌

雨後對花疊前韵 如笑如顰認欲迷巫雲婉婉夢曾題零香

付與翹鬚蝶收綠將為斷尾雞莫信走紅天上訴休辭濕翠晚
來低一生持此芳情老闌雨長風不作泥 晴霄明瑟曉羅
羣倩粧光喜意多弱骨爭妖柔可卷芳華當齒豔生渦領將風
月常新印感起雲霞壓疊波便是秋娘頻濃泪倘能金縷一聲
歌

題畫蘭竹 蘭得幽人吉竹如君子貞邱中有雨士風下若平
生目共餘香語心緣古貌傾援毫傳阿堵流水与迴清

聞雁 三杯鐘定後一枕雁來初絕塞昔唯尔空山今有余重
陽風雨會孤客歲時虛聽入南雲冥此聲到我廬

己亥中秋 草下一蟲鳴艸上一人詠四山雲亦無白月送孤影

題畫 棘心蘭意各欣：領取天公一樣春悟得維摩真法喜
年：天女伴波旬 寶巾六結俱開竟道臘行過五十年花下
春風成佛笑鉢中秋水有龍眠

勅賦避暑山莊四時詩四首 神秀鍾丹地韶光駐帝家岩春
太古日林繡十天花時物欣靈囿居人在翠霞棟風吹較晚香
薦侍金華 月界原無暑霞居別有天編茆為殿宇架閣就山
川思樂清涼地宜歌紉縵篇南風本和正莫道得秋先 桐葉

漸辭柯林蟬散更多玉池雲演漾寶樹月婆娑晚景光垂露宵
涼香在荷側聞天意悅華黍萬方歌 歲籥入初冬勾陳轉六
龍泉皆馭溜合洞有五雲封雪徑生虛白霜佳憶翠濃驤霞歸
紫禁相與說鰲峰

白桃 白袷王郎憶斷雲三生墮月可憐因當空皎々難通夢
獨夜惜々若有人號國埽眉揚素豔星娥揮手落嬌春泛風莫
遣西家泪粉闌珊一世顰

水仙 丁々海女弄金環熱惱閻浮作戲看恠底肌膚若冰雪
由來心地即旃檀大羅一夢香為界小劫三身玉不寒誰遣蘭

茗學紅豆夜絃清向碧溪彈

題畫西府海棠黃刺梅 靈風正滿海棠枝好鳥枝頭隼帶垂
却似盧儲新及第粉霞紅綬少年時 諸天月曼列瑤簪錦爛
東風入夢酣三萬年過終九返亟參黃面老瞿曇

壽聞九上人 法王指月舒檀手執指還能見月無裂却西來
一片衲白衣今繫得神珠

己亥歲吟藁時庚子正月六日書 張照

張照
私印 天得

張天瓶臨香光舞鶴賦冊

紙本六開半計十三頁每高四寸七分闊二寸八分烏絲直
界五行字不等小行楷四十七行董跋十三行自跋七行書

法空靈細筋入骨嘗與董黯石刻校者筆意神似

往余以黃庭樂毅真書為人作榜署書每懸者輒不得佳因悟小楷法欲可展為方丈者乃盡勢也題榜如細書六跌宕自在惟米襄陽近之襄陽少時不能自立家專事摹帖人謂之集古字已有規之者曰須勢乃傳正謂此因書舞鶴賦及之丙午六月有八日蘄州公署避暑識 董其昌

余十二歲學書迄今二十年轉無畔岸尤於屋漏痕印印泥高巖墜石萬歲枯藤等喻不契壬寅夏延太華生灤河官舍學篆篆畫首尾均始覺轉不圓畫不足太華曰腕離几則轉圓而畫

足矣因思行楷皆出於篆取向所書觀之六無一圓轉与足畫也始悟古人所喻皆喻中鋒中鋒不可學但腕運即中矣指運二十年真是桃花作飯也秋中太華索予臨思翁舞鶴賦記於餘紙 張照

本朝法書當以張文敏為第一實足方駕趙董上追晉唐典
型邇來真跡流傳漸少數年未極意搜羅欲求如此冊之精
妙殆不多觀乙丑秋九月燈下展閱識之振甫楊慶麟
是冊用筆之妙如孤鶴盤空回翔自得觀文敏自跋語正是
見桃花悟道時也 次日又識麟
此冊与前養生論二卷同時由瓶麓齋分昇

張天瓶梅花冊 瓶麓齋舊藏

紙本十二開每高六寸六分闊七寸九分皆水墨或疏或密
或橫斜或倒垂或老幹柔條或巖花細蕊筆意勁挺秀骨姍

第一開題在左角下右角下有西谿印

薄暝山家松樹下嫩寒江店杏花前 長卿 茂莊花竹

第二開題右上

千花復萬花個個鐵心肝直待梅子熟方知一般酸 浣天

略余張氏
曰照浣天

第三開題右下

歷盡冰朝更雪朝半枯老幹長新條鐵心性香猶能在金鼎終

須若子調 浣天居士 張照之印

第四開題右上左角下瀛海僊班印

一泉和上出拈花手結衆香緣花光後身也却索余拈取為是

木義耶為是鋸義耶

張照

照臣

第五開題右 上

雪岸枝相交香光照春水一篙艇子穿珠玉懷中委長卿

張氏
得天

第六開題右 邊左角下五思齋印

西溪二月梅花多南鄰北舍交枝柯佛言鼻以香為食厭飲知

應莫可過 天瓶

北聖

第七開題在下 偏右

明珠絡壁琉璃地姑射神人之所居寒淨不容凡夢到衆香藍

鬱曉風初 天瓶

張照

第八開題右角上

南枝如雪北枝無花東風一般居使然耶 長卿

大丘

第九開題左上

紙筆綢繆墨意態三家相見羯羅藍花光菩薩離兜率靚面相

逢不用參 照

張長卿印

第十開題右下

萬花散向雪中出一樹獨先天下春 得天

張照

第十一開題右上

老幹鐵色與此終古
雙枝挺秀酷似其祖

照

名余曰照

第十二開題左角下右角下休陽汪彥宣小某甫珍藏

雍正甲辰正月二日諦暉坐一枝巢茶話客有所舉問暉不荅

徐謂曰聞梅花香乎

張照

照得天

乙亥中元前二日鈍翁諸君集後山齋警石錢泰吉後至同觀陳志甯康林甫觀

文敏畫此冊殆亦有高壓衆芳之意

雲樓殷樹柏

殷樹柏印

乙亥秋日与鈍盒康未雲樓同觀此冊於後山齋如行籬落

間也種水曹言純

嘉慶乙亥中元前二日鈍盒徐世綱觀于傳雲舊築

是冊墨妙筆精可稱三絕題句時露禪機文敏深通內典略見於此甲戌夏六月識於京兆尹署之知愧齋 振甫麟

舊藏文敏臨王右軍墨梅立幅並備錄諸家題詠於上蠅頭
行楷約六百餘字精妙無匹同治丁卯視學中州携以自隨
為李子和前輩所豔賞庚午差旋遂以留贈雖一時割愛心
復不能忘懷今得此冊聊可慰意矣七月十三日振甫又識

張天瓶臨松雪唐律詩冊

紙本八開半計十七頁每高六寸濶三寸八分烏絲直界六
行字不等首題唐律二字共七律詩十五首詩後題單行低
一字首頁下角法華奩印末松雪款二行自跋九行書法迴
環頓挫不使一平直筆細玩可悟一波三折之法玉虹樓帖
刻有此種余曾見墨跡二本此其一焉

延祐五年二月廿七夜寫舊詩十五首与從子珍 松雪翁

右館師海甯陳宗伯所藏承旨真蹟余於雍正乙巳八月借臨
四本丙午四月內子沈恭人索書此冊未就奉 命典試滇南

六月八日行次武陵溪上郎舍水窗涼靜隔江碧樹遠山如畫
偶然欲書檢行簾此冊在焉因竟之 張照

張照
私印 天得

張天瓶臨香光真書千文冊

紙本八開半計十七頁每高六寸四分濶三寸六分烏絲直
界五行、十二字楷書勁挺處、皆用逆筆有極秀嫩處有
極禿鈍處是懸臂作小楷之證其佳處与拙處皆不可及缺
金生麗水下四句空谷傳聲下十六句共八十字後跋七行

右思翁臨永師千文真蹟曾見宋本永師千文帖与思翁臨本
神情畢肖有類上三毫之妙固知思翁竭力學古世多謂思翁
獨闢門庭晉唐以來所無或又病其師心蔑古皆所謂孤陋寡
聞愚蒙等誚也 張照臨豆識

張照
之印 天得

張天瓶臨文衡山草書千文冊

紙本十四開半計廿九頁每高六寸四分濶三寸六分烏絲直界四行。八九十字不等草法圓渾筆力堅凝靈：用意學此可醫作草浮滑之病入後尤神完氣足熟極而流後跋四行下角世承珍藏

雍正丁未六月文待詔孫于宋禪師出示待詔所臨永師草書

千文本從永師真跡臨仿尚可想見八百本風味便從于宋假

得手臨四本此其一也

張照

張得天得

張天瓶臨永師真書千文冊

瓶麓齋舊藏

絹本八開計十六頁每高六寸濶三寸三分五行十二字書法沈著透快結實空靈前冊臨董秀勁中見虛和此冊又於圓渾中見峻厲各有其妙惟六缺八十字想原本固如是也後款二行

戊申秋八月臨永師本

張照

張照得

張司寇此冊雖臨永師本而結體用筆純從徐季海不空和尚碑得來公與董文敏皆深于徐書者也壬申三月廿日展閱偶書振甫麟

張天瓶縮臨醴泉銘冊

紙本十一開原大幅翦裱每高三寸九分濶二寸七分五行行十字雖臨率更仍多魯公筆意玩其用筆殆是迴腕所書故曲折動宕筆勢不平於臨歐中另闢一境自是奇觀後款一行首行下有欽訓堂書畫印花黎板面刻隸書張得天臨九成宮刻欽訓堂藏一印

乾隆初元春二月

張照臨

張照得

天得

張天瓶臨蘭亭敘冊

瓶麓齋舊藏

紙本三開半計七頁每高六寸濶三寸八分五行字不等擲筆於空而無一點一畫出乎規矩之外正如游絲百丈獨裊晴空又若點水蜻蜓迴翔如意余收定武真本實備此妙文敏此書乃一傳出後題三行

蘭亭以子固落水本為平生目中第一向藏松雪臨本今已歸

龍眠房背臨猶能彷彿百一

得天居士

文敏此書無注不留無垂不縮筆法之妙度盡金鍼乃知古人墨點之可貴其神妙處非石刻所能傳也辛未三月得此冊於廠肆喜而識之麟塚中秃管已盈千畫被裁蕉廿七年到此依然書不進可知王質少仙緣此張文敏題香光墨蹟詩也每歎書畫特一藝耳而詣力所至若有限之者文敏此詩令人三復慨然振甫又筆

張天瓶臨古各種冊

古緣萃錄

馬士

苗

澄蘭室

紙本廿二開高七寸九分濶一尺四分
一開烏絲直界十行臨右軍遠近清和秋中感懷二帖印首

世澤堂下角若古印

二開之四開臨香光書右軍大令事迹四則每開烏絲直界
十四行都三十一行後題二行空九行

右董香光真蹟在質甫學士家丁巳四月借臨

世澤堂
圖書

五開烏絲界十二行臨半截碑十行題二行

半截碑與聖教序真是同調惜殘缺不可讀

六開烏絲界十二行臨米南宮書札九行題三行

米海岳札刻在英光堂者真与大令水乳

張照

張
天得

七開之十開烏絲方格每十行七字大行楷臨李北海碑
前三開極樸茂後一開略虛和都三十八行題二行印首古

李北海碑

得天

瀛海
得班
天

十一二開烏絲界十六行臨香光書姜寶妻誥勅二通都十八行陳眉公跋七行款一行後空六行

唐告勅或御書或內夫人書皆不甚傳而獨朱巨川告以徐季

海書傳丹陽姜宗伯文章氣節朱巨川以上人物也董宗伯手

書磐石聲價不減季海

陳繼儒書

得天臨

得天
居士
瀛海
仙班

十三開之十六開烏絲界八行臨香光書七律三首前一開楷書一首後二首行草印首箴喻

十七八開烏絲界十行書坡公詩七古一首十二行後跋五行款一行空二行此詩六疑臨董之作跋六董跋也錄以待證

余葺城故居當樓有黃梅一樹近百年矣不見者閱世長賢南

至問知作花無改舊觀適案有坡詩漫錄于此 得天

張照之印 瀛海仙班

十九開之二十一開烏絲界十行臨香光書秦淮海洛陽懷古望海潮一闋大楷書十七行董跋五行款一行後空七行

歐陽率更柳諫議叅合用之學不純師謂此 丁未六月董其

昌

照

張照之印 瀛海仙班

廿二開款三行後空末角有某崎居士印

香光妙點四種余家藏帖中宸烜赫者臨奉松友大兄一粲

張照

無印

張天瓶奏摺冊

紙本四開高七寸三分闊六寸五分每十二行十八字首行應臣張照謹四字茲挖去臣張二字乃條陳官字彚中額

事楷法凌空寬博的為真跡後無殊批當是寫誤未用或改
易重書者首頁下角有秦開之印

張天瓶縮臨聖教序冊

紙本十八開半計三十七頁每高三寸九分濶一寸七分烏
絲界四行字不等筆力堅凝神氣動宕與前臨蘭亭同一精
妙後跋二頁首頁下有法華金印

世傳縮本聖教序不知何人所為芥子納須弥良可寶玩也香
光居士謂懷仁習右軍書而以集為非是竊謂字：用古人結
搆即是集不稱自運米元 亦有集古字之說正不必改集為
習耳卷尾有許敬宗李義府名不欲書之故不脩臨 張照

張照得
私印天

此冊辛未年外舅於廠市見之議值未就越十年仍為余得
六有緣也

張天瓶臨右軍帖冊

紙本七開半計十五頁每高六寸三分濶二寸七分首頁四
行餘三行臨旦極寒帖六行四月廿三日帖四行二句期等
帖六行月半哀悼帖五行知庾丹陽帖二行遠近清和帖八
行十月五日帖六行遠得足下書五行紙筆精要帖三行都
四十五行副頁上有謝樓寶笈健符鑑定印末頁有侶樵曾
觀丘松四收藏書畫葉鑒鳧圖書記後副頁有見鳧平生所
愛玩滄江葉見鳧家藏子孫永寶無數二印書後未署
款有張照之印得天二印

國朝書家摹帖首推王虛舟先生余藏其摹二王帖二冊精
神矩度無不逼真然用硬毫雖尺寸不失而意趣少遜蓋不
無拘謹之病觀文敏此冊方知不斤求似也然無虛舟之
功力亦不能臻文敏之神化醇而後肆方不至出乎規矩之
外故摹古如虛舟難如天瓶尤難

張天瓶書七月詩歸去來辭合裝冊

紙本七月詩三開三行烏絲方格原廿四行行十六字翦裱改為每頁六行、十字工楷書撲茂而秀潤有臣字款當奉勅所書也

臣張照敬書

臣張照
海陵人

文敏書沈雄道勁骨立筋完此冊錄郊風詩獨以含蓄用筆格韻自古神采愈生在公書尤具十二分意趣辛丑六月漁杉慶勛紙本歸去來辭四開烏絲方格原挂幅三十四行行十字後款一行改剪每頁五行、九字行楷書臨松雪圓秀不減而沈著過之沒款改二行

臨趙松雪書歸去來辭

張照

張照
之印得

後有漁山跋未錄前有漁杉雅玩蔭方珎玩印後有天然如意齋書畫印

張天瓶楷書陀羅尼冊

紙本六開計十二頁高五寸九分濶三寸一分烏絲方格四行行九字都四十行書法腴厚寬博顏徐之意為多後跋七行前有李世珍印蓮浦氏二印後有雲翰樓珍賞印

張少悌見書譜筆法在虞永興徐季海之間此佛頂尊勝陀羅尼陝碑已多缺字因仿其意補之為雲源表第一槩 張照

張照得之印

張天瓶臨心經冊

紙本九開計十八頁高四寸六分濶二寸八分烏絲直界三行行六字不等臨聖教序後心經筆力勁健腴潤非常末即臨前帖曰弘福寺沙門懷仁集晉右將軍王羲之書無款印有蔭方珏秘天然如意齋印

張天瓶臨心經冊

紙本十開磁青描金帑廂高四寸潤五寸二分烏絲直界六行六十七字較前冊略小而古厚過之六帑之滑澀使然後款有聽襄樓

大清國男子張照為父七十生辰敬臨布施

張得照天

張天瓶精楷大悲心陀羅尼冊

紙本三頁得一開半高一寸九分潤二寸二分每十六行行十四字蠅頭小楷工整絕倫而筆勢寬展仍具方丈之觀絕無僅有之品末款

大清國男子張照盟手焚香敬書

張照

張天瓶泥金書金剛經冊

磁青紙廿二開高五寸七分濶四寸九分金絲畫直界十四行字不等整齊約束光彩如新後款首頁下篋喻印

奉佛弟子張照敬書

照得天

張天瓶泥金書金剛經冊

磁青紙廿二開高五寸九分濶四寸九分金絲畫直界十四行字不等此冊筆鋒峭厲顏意為多金色較前冊略淡首頁有桂良鑑定印後有燕山桂良珍藏印末款首頁篋喻印

奉佛弟子張照敬書

照得天

張天瓶臨右軍帖軸

瓶麓齋舊藏

紙本高二尺七寸濶一尺三寸一分草書三行臨右軍周益州致印竹杖帖末款印首世澤堂

張照臨

張照得天之印

張天瓶書 御製文屏

紙本六幅高四尺八寸三分潤二尺四分烏絲方格六行行十五字首尾兩幅五行前後空一行格三寸零每字三寸筆力挺拔風神跌宕意在魯公長公之間氣魄宏潤非後來所能及也首行末二格上御題瀛海僊班印又沛如氏知守齋珍藏書畫之印無款名印在末行首題

御製立身以至誠為本論

張照
之印
南

張天瓶書唐詩壽屏

絹本大軸剪改冊每開四字復改為屏高三尺八寸四分潤一尺四寸一分六條每二行：五字：七寸大書清署簾間散異香七律一首筆力沈雄墨光浮動懸視神采奕奕而仍靜穆所以為難後款印首既醉軒

書祝梅谷老先生六十榮壽

張照

張照
之印
天得

謹案宗譜五世祖諱湯銘號梅谷生康熙二十四年長天瓶居士六歲卒乾隆五年壽五十有六先居士五年卒是与天瓶同時此幅疑是祝壽之作六十云者五十後慶壽之舉每多如此書以預祝焉原為張協均同年贈旌疑其贗余審為真點價廉亟留之改裝為屏當時尚未致及家乘有此一段因緣也楚弓楚得益深欣幸

鄒小山牡丹軸

紙本設色工筆圓光如團扇式高二尺五寸闊如之牡丹四種一紅一白一粉一紫又一蕊高下相映葉莖生動上有乾隆五璽款右上

臣鄒一桂恭畫

臣鄒一桂
永接

方棕山水軸

紙本設色高二尺六寸二分闊一尺七寸二分層岩突起岡阜雲連坡上長松茂竹一人臨澗而坐筆意樸茂雅近司農

上有乾隆御覽之寶款右角下

坐聽松風臣方悰恭摹董北苑筆意

懋 懋

李晴江梅花冊

紙本水墨十開每高七寸一分潤八寸九分
一開古幹彎迴疏花零落左角上題印首仙李

瘦蕊寒枝遠俗塵終朝園畫最怡神誰知山澤臞儒骨担得江

南萬斛春

晴江
的筆

二開一枝倒插花綴三五右邊題

知己難逢自古來凋蟲小枝應塵埃揚州風雅如何遜瘦蕊千

笑口開

晴江

畫半
肝氣

古緣萃錄

馬十二

三

澄蘭室

三開柔枝疎落花亦簡淡右邊題

墨痕濃淡捻風流玉質冰肌莫與儔
分付君家雙白鶴夜來不許宿枝頭

虧

四開老幹曲蟠一枝冷淡左邊題

官閣成塵事已凋我來僧舍畫梅條
揚州明月年年在收拾春

風廿四橋

晴江

小窗
夜雨

五開花放枝梢疎落有致右角上題

此幅春梅另一般並無曲筆要人看
畫家不解隨時俗直氣橫

行翰墨端

李方膺

膺

六開兩枝數花高簡無匹右角上題

梅花此日未生芽旋轉乾坤屬畫家筆底春風揮不盡東塗西

抹揔開花

晴江自弭墨磨人

意足不口

七開一枝清挺花意肥綬右角上題

相門才子清人骨索寫梅花意氣雄不是孤山林處士調羹鼎

鼎舊家風

乾隆十一年九月六日李方膺

游戲

李方膺

八開數枝寓意筆氣縱橫右角上題

江南燕北路參差好友難堪話別時春到不愁無驛使梅花自

古慰相思

李方膺

以畫記時

九開一枝挺上淡遠有神右角上題

微雪初消月半池籬邊遙見兩三枝清香傳得天心在未許尋

常草木知

平生知已

十開禿幹粗花梅老筆老右角下題

偶想元立換米時五都市上亦矜奇不知曾遇林君復分別南

枝與北枝

晴江李方膺

畫匠目疾

1575-467

